

永樂大典

卷八千二十二

之八千二十四

永樂大典卷之八千二十二

十九庚

○成

洪武正韻馳征切。畢也。就也。平也。善也。又姓。又樂奏一終曰一成。又方十里曰成。左傳少康有田一成。許慎說文成。从戊。丁聲。氏征切。戚

古文成从午。徐鍇通釋戊中宮成於中也。丁成也。會意戚。古文午。南方亦物成之義。爾雅功績質登。平明考就成也。郭璞注。功績皆有成。詩曰。質爾

民人。禮記曰。年穀不登。穀梁傳曰。平者成也。事有分明。亦成濟也。邢昺疏釋曰。謂成濟也。勲功績業皆有成也。事有分明。亦成濟也。舜典云。三載考

績。周頌云。日就月將。皆言成功也。註云。詩曰。質爾民人者。大雅抑篇文云。禮記曰。年穀不登者。下曲禮文云。穀梁傳曰。平者成也者。宣十五年文也。

又秋為收成。小爾雅要捷集載成也。劉熙釋名成。盛也。顧野王玉篇市征切。陸法言廣韻持征切。宋重修廣韻亦州名。古西戎地。州南八十里。有仇

池山。晉改為仇池郡。後為南秦州。梁廢帝改為成州。又姓。出上谷東郡二望。本自周文二字。成伯之後。又漢複姓十五氏。莊子有務成子。廣成子。顏

成子游。伯成子高。韓子有容成子。列子有考成子。國語。晉卻犇食菜。苦成。後因以為氏。世本曰。宋有大夫老成。方盆成括。仕於齊。晉有英成。僖子漢

有廣漢太守古成雲。古音枯。高祖功臣有陽成延。後漢有密縣上成公。白日升天。晉戊己校尉燉煌車成將。古成氏之後。史記有形成氏。丁度集韻時征切。司馬光類篇辰陵切。地名。張有復古編。成筆迹小異。吳棫韻補叶音辰羊切。范蠡曰。得時不成。反受其殃。龜策傳。天數枯旱。國多妖祥。螟蟲歲生。五穀不成。戴侗六書故卒功謂之成。伯曰。柴望大告武成。成之義也。王栢正始音又謚法解。安民立政成。政以安定。揚桓六書統禪母。成。草木之實堅也。从戊。从丁。戊。土也。丁。火也。土生之火。長之。則草木之實皆成矣。時則夏盡也。又曰。天地陰陽化工畢也。成。古文。从午。亦丁之意。成。隸成。隸省成。譌熊忠韻會舉要次商次濁次音。又樂奏一終為一成。書簫韶九成。又州名。古西戎白馬氏國。西魏置成州。唐同谷郡。倪鏜六書類釋成。从丁。古文作成。从午。午與丁皆中未詳。趙謙聲音文字通禪經切。从戊。中宮土。萬物成就之位。从丁。萬物成就之時。會意。成。古文。从午。亦物成之方。夏

時也。韻會定正字。切澄經澄澄纏成。

篆書

成

並古論語

成

古孝經

成

大篆

成

篆

成

篆

小 芝英 璵瑤篆並見姚 敦臨二十體篆

成

並趙

成

宋公

成

齊

成 季嬪 鼎 古文並見揚 鉤鍾鼎集韻 厚 趙 父 壺 季 嬪 彛 成 並 敵 敦 成 秦 詛

楚 成 並 秦 文 權 經 古 孝 成 古 老 子 成 王 庶 子 碑 成 成 並 唐 韻 成 蓮 芎

宮 鼎 成 度 世 古 元 歌 成 絳 碧 落 文 成 澤 碧 落 文 成 古 文 並 見 杜 从 古 集 篆 古 文 韻 海 成 成

並 徐 鉉 篆 韻 成 成 成 成 成 並 六 書 統 書 隸 成 老 子 銘 成 劉 寬 碑 成 魏 臣

奏 成 唐 仙 人 碑 成 青 衣 尉 碑 成 西 狹 頌 成 張 公 神 碑 成 孔 耽 碑 成 成 王 畫 像 並 洪 邁 漢 隸 韻

成 孟 郁 碑 成 華 山 廟 碑 成 羊 賓 道 碑 成 周 憬 銘 成 梁 相 碑 成 熊 君 碑 並 漢 隸 字 源

真 書 成 智 永 成 歐 陽 詢 成 顏 真 卿 成 柳 公 行 書 成 成 並 王 義 之 成 王 獻 之

成 智 果 成 顏 真 卿 成 褚 遂 良 成 蕭 瑀 成 蘇 軾 成 成 並 米 芾 成 趙 子 昂

草書 **來來來** 並章 **來** 皇 **來來來來** 並王 **來** 王獻之 **來**

智 **來** 張 **來** 蘇 **來** 鮮于 **來** 並趙 **來** 子昂

地平天成 書大禹謨帝曰俞地平天成注水土治曰平言水土既平而萬物得以成遂也詳謨 **天下**

化成 易恒卦彖曰聖人久於其道而天下化成程傳謂聖人以常久之道行之有常而天下行之以成美俗也詳見恒卦

輔相裁成 易中天述考上參天兩地非天地之本數數倚此而起於是謂之倚數曰幽贊曰生著曰圓而神此之謂

也所以扶陽抑陰聖人輔相裁成之事也 **六位時成** 易乾彖傳大明終始六位時成時乘六龍以御天詳見乾卦

變化久成 易恒卦彖曰四時變化而能久成程傳四時陰陽之氣耳往來變化生成萬物亦以得天故常久不已

詳見 **垂拱仰成** 書畢命予小子垂拱而成注今我小子復何為哉垂衣拱手以仰其成而已王之道相山集

恒卦

賀秦楚材啓。垂拱仰成。上倚畢公之弼亮。

弗爲胡成

書太甲篇。弗慮胡獲。弗爲胡成。一人元良。萬邦以貞。

百穀用成

書洪範。歲月日時無易。百穀用成。乂用明。俊民用章。家用平康。注。歲月日之者。雨暘燠寒風不失其時。則

其効如此。休徵所感也。春秋左傳。成十一年。宋華元善於令尹子重。又善於欒武子。聞楚人既許。晉糴茂成。而使歸復命矣。冬。華元如楚。遂如晉。合

晉楚之成。注。合

晉楚二國之平。

屢省乃成

書益稷。屢省乃成。欽哉。注。屢。數也。屢省乃成。則有課功覈實之效。而無誕

慢欺蔽之失。詳益稷

疑謀勿成

書大禹謨。任賢勿貳。去邪勿疑。疑謀勿成。注。謀。圖為也。有所圖為。揆之於理而未安

者。則不復成就之也。

訟不可成

易訟彖傳。終凶。訟不可成也。詳訟卦。

永觀厥成

詩

頌有瞽篇。永觀厥成。注。觀。視也。成。樂闋也。詳瞽。

王釐爾成

詩周頌臣工篇。王釐爾成。注。釐。賜也。成。成法也。詳工。

不潰于成

詩小旻篇。如彼築室于道。謀是用。不潰于成。詳旻。

夙知莫成

詩誰

而莫成。注。誰早有所知而
及晚成。知音。智。莫音暮。

展也大成

詩車攻篇。允矣君子。展也大成。允。信。展。誠也。聞師之

行。要聞其聲。言至肅也。信矣其君子也。誠哉其大成矣。詳攻。宋朱
晦庵大全集伊川贊。規圓矩方。繩直準平。允矣君子。展也大成。

小大

相成

禮記樂記。小大相成。疏云。小大相
成者。互為宮商角徵羽。而相成者。

樂其所自成

禮記

禮器樂也者。樂其所自成。注曰。作樂者。緣民所樂於己之功。
舜之民樂。其紹堯而作大韶。湯武之民樂。其護伐而作濩武。

三年有

成

論語子路篇。子曰。苟有用我
者。朞月而已可也。三年有成。

期年政成

有官龜鑒國朝
太常徐公名世

隆。除東昌路總管。專務以德率下。不事鞭箠。吏不
忍欺。民亦化服。期年而政成。民不知勞。郡人頌之。

七年天成

莊子

雜篇寓言。顏成子游。謂東郭子綦曰。自吾聞子之言。一年而野。二年而從。
三年而通。四年而物。五年而來。六年而鬼入。七年而天成。八年而不知死。

不知生。九
年而大妙。

無為而成

張子正蒙。不見而章。誠而明也。不動而變。
神而化也。無為而成。為物不貳也。

為無不成

宋薛季宣浪語集上殿劄子。人主之為天下。莫大於天下。不可得而欺。夫使天下皆不可得而欺。則欲無

不遂。為無不成。自昔號有志之君。其所欲為。非不甚盛。甚美。然卒有齟齬之嘆。蓋欺之者多耳。

有志早成

文中子中

說陳叔達謂子曰。吾視夫子之道。何其早成也。子曰。通也。於聖人之道。可謂有志焉。又焉早成也。叔達出。遇程元。竇威於塗。以告之。程元曰。夫子亦成矣。吾儕之慕道久矣。而未嘗不充其欲也。自遊夫子之門。未有問而不知。求而不給者也。詩不云乎。實獲我心。固天啓之。非積學所不能致。子而不成。又誰成乎。子聞之曰。元知乎哉。天下未有不學而成者也。

事業捷成

荀子事業捷成。捷。速也。

大器

晚成

老子同異章。大方無陽。大器晚成。夷堅志。李德元。六十三歲作狀元。七年參政。史。越王浩。五十八歲登第。不十年登相位。七十

日罷。七十八歲再相。逾年罷。八十八歲再相。太師。召賜第湖上。九十三薨。大器晚成。斯言大矣。晏元獻公類要。馬援嘗授齊詩。意不能呼。章句。乃辭。况况欲就邊郡田牧。况曰。汝大才。當晚成。良工不示人以朴。且從所好。

同道相成

黃石公素書。同道相成。漢承秦後。海

內彫弊。蕭何以清淨涵養之。何將俱喜功好動。不足以知治道。惟曹參在齊。嘗治蓋公黃老之術。不務生事。故引曹參以代相位耳。

事

以密成

韓非子說難篇。夫事以密成。語以泄敗。

玉女於成

宋張橫渠集西銘。貧賤憂戚。玉

女於成也。

不為而成

道德經。聖人不行而至。不見而名。不為而成。

以脩而成

金丹大要

聖人仙佛。以脩而成。

道隱小成

莊子道隱於小成。言隱榮華詳物字。

道虧愛成

莊子

道之所以虧愛之。所以成。詳物字。

所作必成

太上感應篇。李昌齡註曰。世間無不成之事。天下皆可作之人。苟有

其志無不成也。昔張仲賓之祖。本一善謀利者。但以翻然改圖。篤意教子。其子仲容。仲賓。果皆登第。明年仲安又登第。于令儀。本一市井小民。亦以翻然改圖。篤意教子。其次子傑。姪子儻。亦皆登第。然則有志之士。欲有所作。是有不成者乎。况能力行眾善者乎。竇公之事。便可見也。竇公禹鈞者。燕山人也。初夢其祖謂曰。汝無子。又不壽。曷不早脩陰德。以回造化。禹鈞惶懼。於是內外姻婭。有喪未舉。有女未嫁。皆助成之。乃至焚券。嫁僕夫之

女得金還去失之人。苟可脩德。無不為者。又於所居建四十間屋。聚萬卷書。延文行師儒。居之師席。有志之士。聽其自至。由是英俊四集。由公門而

貴者。前後接武。公之身。官至左諫議大夫。年八十無疾而卒。今為洞天真人。晚得五子。皆登第。儀禮部尚書。儼禮部侍郎。侃左補闕。偁參大政。僖起居郎。嗚呼。欲長壽而得長壽。欲得子而得五子。欲官爵而

有官爵。好修德而得登真。然則世間所作。是有不成者乎。形神生

成 老子神生形成。形不得神。則不能自生。神不得形。則不能自成。故形神合同。更相生。更相成。出無上祕要人品。彼不

自成 文始經天非自天。有為天者。地非自地。有為地者。譬如屋宇舟車。待人而成。彼不自成。脩好結成

春秋左傳成九年十二月。楚子使公子辰如晉。報鍾儀之使。請修好結成。注。請與晉脩好結二國之成。秦晉為成

春秋左傳襄公二十五年。會于夷儀之歲。齊人城郊。其五月。秦晉為成。晉韓起如秦。蒞盟。秦伯車如晉。蒞盟。成而不結。專欲難

成 春秋左傳襄公十年。子產曰。眾怒難犯。專欲難成。合二難以安國。危之道也。詳爭。國實交成 戰國策武

安君曰。趙自長平以來。君臣憂懼。早朝晏罷。卑拜厚幣。四面出嫁。結親燕魏。連好齊楚。積慮并心。備秦為務。其國內實。其交外成。當今之時。趙未可

伐也。詳見

秦昭襄王。

黍稷無成

國語晉文公去齊過鄭。鄭文公亦不禮焉。叔詹曰。若不禮焉。則請殺之。諺曰。黍稷無

成。不能為榮。黍不為黍。不能蕃廡。稷不為稷。不能蕃殖。所生不疑。唯德之基。公弗聽。詳見晉韻。

闕黨速成

論語闕黨

童子將命。或問之曰。益者與。子曰。吾見其居於位也。見其與先生並行也。非求益者也。欲速成者也。李魯伯集上趙夔。漕啓。不虞冒昧。輒致皈依。非

敢壞闕黨之速成。所

民可樂成

史記闕文。魏文侯時。西門豹為鄴令。發民鑿十二渠。引河水

灌民田。田皆溉。當其時。民少煩苦不欲也。豹曰。民可以樂成。不可以慮始。今父老子弟。雖患苦我。然百歲後期。今父老子孫。思我言。至今皆得水利。

詳滑稽

可與樂成

史記商君傳。孝公既用衛鞅。鞅欲變法。恐天下議已。衛鞅曰。愚者闇於成事。知者見於

未萌。民不可與慮始。而可

有志事成

東漢書耿弇傳。建武五年。弇在臨淄。破張步兵。追

與樂成。孝公曰善。詳本傳。

擊至鉅昧水上。八九十里。僵尸相屬。車駕至臨淄。自勞軍。群臣大會。帝謂
弇曰。昔韓信破歷下以開基。今將軍攻祝阿以發迹。此皆齊之西界。功足
相方。而韓信襲擊已降。將軍獨拔勅敵。其功乃難於信也。將
軍前在南陽。建此大策。常以為落落難合。有志者事竟成也。**進則事**

成

東漢書段熲傳。建寧元年春。熲時為都鄉侯。將兵萬餘人。從彭陽直
指高平。與先零諸種戰。虜兵盛。熲眾恐。乃合張鋌利長矛三重。挾山
強努。列輕騎為左右翼。激兵將曰。今去家數千里。進則事成。走必盡
死。因大呼皆應聲。熲馳騎突而擊之。虜眾大潰。斬首八千餘級。**有**

物混成

東漢書老氏乃曰。有物混成。先天地生。其徒列禦寇因之
乃曰。氣形質具而未相離。故曰渾淪。宋文鑑王曾有物混

成賦。

妙物難摸。先天有諸。著自無名之始。生乎立極之初。不縮不盈。賦

象寧窮於廣狹。匪雕匪斲。流形罔滯於盈虛。原夫未辨兩儀。中含四象。雖

欲兆於形質。曾莫知夫影響。問洪纖而莫得。自契胚渾。考上下以都忘。孰
分天壤。及夫大樸將散。三光欲萌。清濁待茲而一判。昏明由是以相生。然

後品彙咸觀。用作有形之始。溥和外發。或知至道之精。是何小不隱於纖
介。大不充於寰海。配一氣以冥運。亘終古而斯在。縱陰陽之推盪。我質難

移。任變化之紛紜。斯形不改。豈不以有者真有之筌。物者生物之先。冥搜而兆朕斯顯。寂聽而音容莫傳。得我之小者散而為草木。得我之大者聚而為山川。視焉且無。訝深蟠於厚地。搏之不得。疑上極於高天。本自彊名。誠難取類。其始也。既出無而入有。其終也。亦規天而矩地。既不可指掌而窺。又不可因人而致。明君體之而成化。則所謂無為而為。君子執之而立身。亦同乎不器之器。無反無側。神之聽之。諒潛形於恍惚。委化於希夷。傾毀何由。固秉持之在我。剛柔有體。將用捨以隨時。今我后。掌握道樞。恢張天紀。將窮理以盡性。思反古而復始。巍巍乎執大象而撫域中。達妙有之深。肯。妃以五成。西漢書五行志。天以一生水。地以二生火。天以三生木。地以四生金。天以五生土。五位皆以五而合。

而陰陽易位。故曰妃以五成。詳行。

才譽蚤成

唐書孔緯字化文。少孤依諸父。多與有名者游。才譽蚤成。

白

首無成

續通鑑長編仁宗天聖二年庚辰。以特奏名進士李道宗等四十三人。諸科王播等七十七人。為將作監主簿。及諸

州長史。文學司士參軍。道宗等皆年踰五十。嘗應六舉。王播等皆年踰六十。嘗應八舉。上因謂輔臣。此雖卒業非工。然憫其白首無成。故悉甄錄之。

蜡報歲成

羅泌路史後紀炎帝神農氏每歲陽月盍百種率萬民蜡報于國中。以報其歲之成。

萬物

始成

羅泌路史陶唐氏紀萬物使之而成。戶之而止。

神悟夙成

晉書王融新對曰謝尚神悟夙成。父

鯤嘗攜之送客。或曰此兒一坐之顏回也。尚應聲曰坐無尼父。焉別顏回。席賓莫不嘆異。

天地生成

易通變八卦之

數自生成而言。一三五四為天。五六七八為地。生成之中。奇偶各半。所謂立天之道陰與陽。立地之道柔與剛是也。易述衍總正對二圖。實數天地不用五十位。正得五伯五十。與著數相應。天地用二百二十位。正得二百二十四。卦數相應。然則天地孕育生成之理。煥然明矣。宋楊誠齋集致仕奏狀。敢乞聖慈。施天地生成之仁。推父母鞠育之愛。許臣引年。仍裁減息數。特與降職名一等。守本官致仕。榮寵未減。災疾必輕。萬一餘生。未填溝壑。皆君父更生之恩。危懼發中。衰涕衰交。下臣不勝祈天望聖。惶懼懇迫之至。謹錄奏聞。伏惟聖旨。

父友生成

鄭氏譚綺父母生我。朋友成我。故曰生成。

大德生成

宋張方平樂全集謝致仕表。至慈鞠育。大德生成。始終為之保

全進退免其咎悔。

治化有成

魏書常林傳。林字伯槐。刺史梁習薦州界名士林。及揚俊。王凌。王象。荀緯。太祖皆以

為縣長。林宰南和。治化有成。超遷博陵太守。

德化之成

宋汪藻浮溪集。官吏於常賦之外。以秋毫及民者。輒論之。

是宜父老扶杖往聽。願小須臾死。思見德化之成。如書傳所載也。

文詞天成

宋史列傳。王安國幼敏悟。未嘗從學。

而文詞天成。年十二。出所為詩銘論賦數十篇示人。語皆警拔。遂以文章稱于世。士大夫交口譽之。於書無所不通。

渾然天

成

宋朱晦庵大全集。明道程先生贊。揚休山立。玉質金聲。元氣之會。渾然天成。華鎮雲溪居士集。上侍從書。至於融結二氣。發為英榮。混然

天成。小大具體。意新語工。不蹈陳跡。自成一家之言。

神會天成

元劉將孫養吾集。須溪先生行狀。先生之熟為賦論

義理精趣。神會天成。證之本心。沉浸融快。論事開闔。截處置。本末次第。必可施於用。不但妙言語而已。

舊德老成

馬明叟實賓錄。晉何曾進位太傅。曾以年老。屢乞遜位。詔曰。太傅明爽高亮。執心洪毅。可謂舊德老成。國之宗臣也。

一德老

成

宋歐陽公集回呂太傅書。三朝眷遇。一德老成。尚虛黃閣之居。姑正紫樞之位。

學海老成

宋范石湖大全

集資政殿學士王之望致仕轉官劄。學海老成。政塗耆舊。氣高崧岱。韻頡議論之宗。風動關河。礪落功名之意。

夢想老

成

宋楊誠齋集煥章閣待制告詞。勅朕權輿治道。夢想老成。出召節以趣還。莫回雅尚。卑祠官而均秩。式遂忱辭。爰侍從班。以敷命綽。

騏驥老成

唐杜牧樊川集李明遠脩身等制。流離少好。騏驥老成。宜念聿脩。慎無欲速。

龍頭屬

老成

坦明故事梁顥年八十二為狀元。有龍頭屬老成詩。梁顥姓梁名顥。狀元及第。為狀元。及進士第。年八十二時年八十二歲。謝

啓云。為狀元作謝恩啓而言。皓首窮經。白首而窮究經書。少伏生之八歲。伏生者漢時濟南人。年九十。少者八十二。青路得路。言得路如步青雲之

上。多太公之二年。太公是周文王時。姓呂。名望。此人遇文王之時。年八十。謝恩詩。梁顥謝天子之恩。其詩曰。天福三年來應舉。天福乃五代時。後晉

年號。於是年來應舉。雍熙二載始成名。到本朝雍熙二年方為狀元。雍熙太宗年號。饒他白髮中中蒲。饒梁顥白髮已生蒲於頭中中。且喜青雲

足下生。且歡喜青雲已在脚下生矣。觀榜更無朋輩在。觀看狀元之榜。更無朋友黨輩在。言垂老登科。無朋友在矣。到家惟有子孫迎。梁顥歸家惟

有子孫迎接也。知年少登科好。梁顥言我也知得少年登科為好。爭柰龍頭屬老成。爭柰龍頭第一人。屬我老成。官至秘書閣。梁顥後官秘書閣職。

年九十五。年九十五歲方卒。西方業成。宋蘇頌濱集辨才法師塔碑。辨才將

其常與往來僧道潛告之曰。吾西方業成。何功不成。宋楊誠齋集宋故左丞相節度使雍國公贈大師謚忠肅虞公

神道碑。夫大忠可以貫日月。何人不感。至誠可以動金石。何人不懷。感一而萬從。懷一而萬順。惟吾所嚮。何敵不克。何難不濟。何功不成哉。功

效易成。宋薛季宣浪語集朝辭劄子。蓋地分則人自為守。勢連則氣脉相通。權重則功效易成。賞明則人知盡力。視古經制

方。而最為有法。承平二百年。享扞城之功。而無前世方鎮之患者。以此。功妙裁成。宋范石湖大全集賀正旦表陸

下道參覆載。功妙裁成。敬授人時。稽昊天而欽若。乃垂治象。謹正月之始和。治定功成。元王惲秋澗集祀廟樂章。

文經武暢。治定功成。禮祀無期。昭垂頌聲。

援筆立成

魏書陳思王植傳。曹植字子建。年十歲餘。善屬文。時鄴銅爵

臺新成。太祖悉將諸子登臺。使各為賦。植援筆立成。

操筆立成

南史劉虬傳。虬字之遴。學優。未仕時。張稷新除尚書

僕射。託任昉為讓表。昉令之遴代作。操筆立成。宋朱晦庵大全集王公神道碑。公讀書郊外精舍。鄉先生潘舍人義榮見而異之。指庵前竹命賦詩。

公遜謝一舟。操筆立成。金史胡礪傳。礪字元化。磁州武安人。少嗜學。天會間。大軍下河北。礪為軍士所掠。行至燕。亡匿香山寺。與傭保雜處。韓昉見

而異之。使賦詩以見志。礪操筆立成。思致清婉。昉喜甚。因館置門下。使其子處同教育之。自是學業日進。群書類對事苑。杜正元舉秀才。會林邑

獻白鸚鵡。僕射楊素促召正元。使者相望。及至。即令作賦。正元操筆立成。素見文不加點。始異之。歎曰。此真秀才。吾不及也。

下筆

即成

宋范忠宣公集尹判官墓誌。君天資英爽。讀書一攬輒不忘。未冠已與老成者遊。為文章下筆即成。不加點竄。

文辭

立成

宋歐陽公集觀文殿大學士晏公神道碑銘。公世家江西之臨川。年始十四。一日起田里。進見天子。時方親閱天下貢士。會廷

中者千餘人。與夫宮臣衛官擁列圍視。公不動聲氣。操筆為文辭立成。以獻天子。喜賞賜同進士出身。

軍陳立成

東漢書耿秉傳。秉性勇壯。而簡易於事。軍行常自被甲在前。休止不結營部。然後遠斥候。明要誓有警。軍陳立成。士卒皆樂為死。**賦詩**

先成

南史王曇首傳。曇首。太保弘之弟也。嘗詣梁武帝大會戲馬臺。賦詩。曇首先成。帝問弘曰。卿弟何如。卿答曰。若但如下官。門戶

寄詩獨先成

宋歐陽公集遊大字號院記。歐陽公遊大字號院。故與諸君子有避暑之詠。大素最少飲。詩獨先

成。坐者欣然繼之。

义手韻成

唐書温庭筠傳。李義山嘗得句云。遠比趙公三十六年宰輔。温對曰。近同郭令二

十四考中書。温每作賦。一义手一韻成。令狐綯多託為文。惡其漏語。踈之。謗曰。中書豈坐將軍處耶。譏其不學也。

七步詩

成

事類彖求曹植。字子建。魏文帝同母弟。帝令之七步中作詩。不成者行大法。植應曰。煮豆燃豆箕。豆在釜中泣。本是同根生。相煎何太急。

切磨相成

宋韓魏公安陽集。無友不如己。解人之求友也。切磨而相成於善者也。必俟乎彼此知道而後友焉。**中**

和乃成

張行成述行五行之理。不反則不能生化。必賴生我者焉。太過則不能生化。必賴制我者焉。生氣既盛。力能克之。克

生反制中
和乃成

惟斷乃成

宋晁無咎鷄肋集論此事。書韓愈曰。凡此蔡功。惟斷乃成。

心推仰

成

宋歐陽公集。賜富弼乞退批荅。卿以純一忠亮之誠。蘊宏深遠大之業。朕虛己以聽。心推仰成。

紀綱夙成

宋清江三孔集。孔文仲賀發運學士。果拜嘉於宸誥。特正位於使車。綱紀夙成。豈復勞於餘刃。功庸愈茂。佇陟用於近司。

大禮

告成

宋張魏公奏議明堂赦書。以明堂大禮告成。頌恩字內。霈澤下流。仁德均被。神人胥慶。遠邇同歡。

雅量自

成

宋華鎮雲溪居士集。上吏部尚書書。尚書閣下。雅量自成。全材異稟。術高經濟。學貫天人。

熙事休成

宋

泳鶴林集。明堂貴妃賀表。叨華星掖。奉戴露恩。覲熙事之休成。同嘉師而慶賴。

丕烈告成

宋王與鈞藍。僕蒙代謝表。

丕烈告成。庶叶三千臣之大願。中興光輔。敢希四七將之盛名。

羣實獲成

度人祈禳。水旱品嘉。羣實獲成。

專任責成

宋薛季宣浪語集上殿劄子。吳人有言。同舟遇風。一物不牢。俱受其敗。今日邊鄙之勢。惟詳按輿地。分置

鎮守。專任責成。悉如祖宗陝右之法。則守禦之具無闕。而進取之計固存。

終為之成

回溪史韻齊張充嘗詣王儉。言

論放逸。一坐盡傾。及聞武帝欲以父緒為僕射。儉執不可。充以為愠。與儉書云云。使以為脫畧弗之重。仍以示緒。緒杖之百。坐免官。沈約見充書曰。

充始為之敗。終為之成。

學貴大成

胡五峯知言學貴大成。不貴小用。大成者參於天地之謂也。小用者謀利計功

之謂也。

集厥大成

宋朱晦庵集告先聖文。恭惟道統遠自羲軒。集厥大成。允屬元聖。述古垂訓。萬世作程。

治

功大成

曾鞏元豐類藁教論教義深者。治功大成。教義小行者。治功小成。皆教違義者亂亡。

集大成

孟子萬章篇。孔子之謂集大成。集大成也者。金聲而玉振之也。金聲也者。始條理也。玉振之也者。終條理也。始條理者。智之事也。終條理者。聖之事也。智譬則巧也。聖譬則力也。由射於百步之外也。其至爾力也。其中非爾力也。忠惠先生集宋翟省試孔子集大成論。論曰。古之事道者。非役身涉

世之為難也。至於道有興廢隱顯。時有去就用捨。欲其從容中道。而周旋中禮。與物推移而不凝滯於物。若是者。雖聖人以為天下之難能也。昔者伯夷伊尹。擲下惠。制行矯世。伯夷名之以清。伊尹名之以任。擲下惠名之以和。夫三子者。皆聖人役身而涉世者也。而孟軻獨以孔子為集大成者。孔子之集大成也。豈非所謂聖人之時者乎。晚周之衰。去先王之澤未遠也。其故家遺俗猶在也。天下仰而待治。所謂同室之有鬪者。被髮纓冠而往救之時也。而一於清可乎。樂天之命。為有憂之。大一一君。無所遇合也。一於任可乎。屈其身。貶其道。而似不屑己也。一於和可乎。然則孔子者。將若之何哉。亦曰。視道之廢興。與時之升降。毋固。毋必。毋我而已。故脯肉不至。不脫冕而行。國君未餽。則去不旋踵。君子以為禮也。而清有餘矣。又曰。如有用我者。吾其為東周乎。欲以羈臣匹夫之微。而復周公文武之治。於俯仰期月之間。不幾於大而無當。而任有餘矣。魯人獵較。孔子亦獵較。事道之重。而同乎流俗。而和有餘矣。任不可為也。激之以清。清不可為也。揚之以和。皜乎其不可尚也。絀乎其金聲而玉振也。茫乎前顧已遠之聖人。足以考之而不繆也。杳乎後顧無窮之來者。足以俟之而不惑也。是故將之荆。先之以冉有。申之以子夏。君子不以其進為急也。陋而欲居乎九夷。

遠而欲乘桴于海。君子不以退為固也。豈非所謂聖之時者乎。若夫任近於不屑者也。清堅而不可磨者也。和涅而近於淄者也。故曰我則異於是。無可無不可。然則非孔子所以自見者歟。雖然孔子之道。無行而不與二三子者。而門人弟子之賢。有不能知也。故見南子從佛肸之召。而子路有不悅者。曾不知屈身將以伸道。而時者聖人之權也。不然。則晨門荷蕢。長沮桀溺者是已。而可為哉。故獨於顏子則曰。用之則行。舍之則藏。唯我與爾有是夫。其餘子貢有若皆不足以語此。以至乘商之輅。服周之冕。樂則韶舞。三代之忠質文。猶造次不忘所尚。况於制行應物者。其可以偏而不救歟。軻之言曰。禹稷顏回同道。曾子子思易地則皆然。由此觀之。三子之行。槩其一偏而不可少。孔子之行。集其大成而不以自以為多也。故曰。是以君子尚論其世也。而或者以為三子者之異。孔子者之不同也。將以追蠡而尚文王之聲。豈不惑歟。

大成

禮記學記
九年知類

通達。強立而不反。謂之大成。正義曰。謂九年考校之時。視此學者。言知義理事類。通達無疑。強立謂專強獨立。不有疑滯。而不反。謂不違失師教之道。謂之大成。新唐書選舉志。上元二年。國子監置大成二十人。取已及第而聰明者為之。鄭樵通志職官畧。大成二十人。唐置。取貢舉及第人簡聰

明者。試書日誦得一千言。并日試策所習業等十條。通七。然後補充。仍散官祿俸賜會同直官例給。武太后長安中省。而有直講。定為四員。宋陳默堂集廷試策。仲尼之道。覆燾如天。持載如地。錯行如四時。代明如日月。原其法之備。則比堯舜為遠。過要其德之至。則視三聖為大成。道德經大成。若缺。其用不蔽。

小成

禮記學記。七年視論學取友。謂之小成。正義曰。謂之小成者。比六年已前。其業稍成。比九年之學。小故曰小成。

老成

列子列子曰。色盛者驕。力盛者奮。未可以語道也。故不班白。語道失。而况行之乎。故自奮。則人莫之告。人莫之告。則孤而無輔。

矣。賢者任人。於年老而不衰。智盡而不亂。故治國之難。在於知賢。而不在自賢。經鉅堂雜誌。古謂老者為老成。蓋老然後成也。蠶不老不成絲。穀不老不可割。智者涉世故多。至老而愈智。仁者積功行日久。至老而愈仁。為家業者老。而後可以多蓄積。在仕塗者老。而後可以平進。今年猶未老。甫在中年。而歎淹滯可乎。孫公談圃元祐初。呂申公欲以張問為給事中。張老甚。外議恟恟。公上言。朝廷欲用老成者。謂其有成人之德。豈特蒼顏白髮而已乎。人有讒於申公。申公亦皓首。宋史曾公亮論曰。公亮靜重鎮浮。練達典憲。與韓琦並相。號稱老成。黃公度知稼翁集肇慶劉守啓。當羽

翼於中朝。乃蕃宣於外屏。蓋九重不忽於幽遠。借重於老成。陳默堂集。夫學然後知其不足。經歷既久。然後知其誤謬。方少年恃其天資過人。盛氣以待物。更事之後。未有無悔者也。悔而知改。猶足以為善。悔而不改。終於敗國亡家者有之矣。故學不可以已也。若乃學焉而未至。事不素練。則老成之人可尊而不可忽。人主深居九重之中。稼穡艱難之未知。而能應天下方來之變者。知此而已。昔者孫權年未及冠。而能使曹操望其營壘。曰。生子當如孫仲謀。此可謂一時豪傑之主矣。然其母嘗以屬張昭。故昭每諫之。必以太后為言。我太祖皇帝。英偉之資。無與倫比。而杜太后常令趙普輔之。夫孫權之智。不減張昭。而太祖之聖。豈趙普所可跂及乎。取其經變之多。歷事之久而已。况於不及二君。而欲棄老成之人。未見其可也。

元史安童傳。至元四年。安童奏。內外官須用老成人。宜令儒臣姚樞等入省議事。帝曰。此輩雖閑。猶優養。其令入省議事。**西成** 書

典平秩西成。注。西成。秋月物成之時。所當成就之時。史記五帝本紀。帝堯申命和仲居西土。曰昧谷。敬道日入。便程西成。注。孔安國曰。秋西方萬方

也。成也。**思成** 詩商頌烈祖篇。養我思成。注。養與也。那篇。綏我思成。注。綏安也。**官成** 周禮天官太宰。五

注。官成。謂官府之成事品式也。小宰職曰。以官府八成經邦治。疏曰。官成者。謂官自有成事品式。依舊行之。以經紀邦治也。

獄成

禮記文王世子。獄成有司讞于公。注。成。平也。讞之言白也。

利成

禮記曾子問祭殤不舉。無所俎。無于公。注。成。平也。讞之言白也。

玄酒。不告利成。注。利成。禮之施於

尸者。正義曰。謂祭畢。今既無所可告。故不告利成。利。猶養也。不告供養之禮成也。儀禮特牲饋食禮。祝東面告利成。注云。利。猶養也。供養之禮成。不

言禮畢於尸間之嫌。疏云。禮畢於已間暇無事。有發遣尸之嫌。故直言利成而已也。士虞禮。祝出戶西面告利成。主人哭。注。西面告。告主人也。利。猶

養也。成。畢。言養禮畢也。不言養禮畢於尸間嫌。西

行成

管子小匡鮑叔曰。夷吾事

漢書地理志利成。注。莽曰。流泉縣名。屬東海郡。

君無二心。桓公曰。其於寡人猶如是乎。對曰。非為君也。為先君與社稷之故。君若欲定宗廟。則亟請之。不然無及也。公乃使鮑叔行成。注。成。平也。與

魯平。國語晉文公誅觀狀以伐鄭。反其埤。鄭人以名實行成。公弗許。反撥也。埤。城上女垣。觀狀。初鄭使觀公之駢脅也。越王句踐興師伐吳。居軍三

年。吳師自潰。吳王帥其賢良。與其重祿。以上姑蘇。使王孫雄行成於越。曰。昔者上天降禍於吳。得罪於會稽。今君王其圖不穀。請復會稽之和。王弗

忍欲許之。范蠡進諫曰：臣聞之聖人之功，時為之庸，得時弗成。天有還形，天節不遠。五年復反，小凶則近，大凶則遠。先人有言曰：伐柯者其則不遠。今君王不斷其忘會稽之事乎？王曰諾，不許。詳越語。左傳：莊公四年春，王三月，楚武王荆尸授師子焉，以伐隨。王遂行，卒于楠木之下。令尹闞祈莫敖屈重除道梁澆，營軍臨隨。隨人懼，行成。注：楚行人求楚為成。莫敖以王命入盟。隨侯且請為會，漢汭而還，濟漢而後發喪。哀公元年，吳王夫差敗越于夫椒，報槁李也。遂入越。越子以甲楯五千保于會稽，使大夫種因吳太宰嚭以行成。吳子將許之，伍員不可。臣聞之：樹德莫如滋，去疾莫如盡。昔有過澆，殺斟灌，以伐斟鄩，滅夏后相。后緡方娠，逃出自竇，歸于有仍，生少康焉。為仍牧正，基澆能戒之。澆使椒求之，逃奔有虞，為之庖正，以除其害。虞思於是妻之以二姚，邑諸綸，有田一成，有眾一旅，能布其德而兆其謀，以收夏衆，撫其官職。使女艾諜澆，使季杼誘豷，遂滅過戈。復禹之績，祀夏配天，不失舊物。今吳不如過，而越大於少康，或將豐之，不亦難乎？句踐能親而務施，施不失人，親不棄勞，與我同壤，而世為仇讎。於是乎克而弗取，將又存之，違天而長寇讎，後雖悔之，不可食已。姬之衰也，日可俟也。介在蠻夷，而長寇讎，以是求伯，必不行矣。弗聽，退而告人曰：越十年生聚。

而十年教訓。二十年之外。吳其為沼乎。三月。越及吳平。吳入越。不書。吳不告慶。越不告敗也。通鑑外紀。敬王二十六年。越伐吳。吳敗越。越王命諸稽郢行成於吳。吳不許。文種來而復往。曰。請委管籥。從君之師徒。唯君左右之。夫差告諸大夫。曰。孤有大志於齊。將許越成。伍子胥諫曰。吳越仇讎。敵戰之國也。君必滅之。失此利也。雖悔無及。句踐聞之。欲殺妻子。燔寶器。觸戰以死。大夫種止之。曰。吳太宰嚭貪。可誘以利。乃飾美女八人。納之於嚭。曰。苟赦越國之罪。又有美於此者。將進。嚭諫。吳王曰。古之伐國。服之而已。今已服矣。又何求焉。伍子胥曰。越非實中心好吳。又非憚畏吾甲兵之彊也。大夫種勇而善謀。將還玩吾國於股掌之上。以得其志。請成。國語

吳王曰。大夫奚隆於越。越曾足以為大虞乎。乃許之成。

請成

國語

夫差起師伐越。越王句踐起師逆之。江。大夫種乃獻謀。越王許諾。乃命諸稽郢行成於吳。曰。寡君句踐使下臣郢。不敢顯然布幣行禮。敢私告於下執事。曰。昔者越國見禍。得罪於天王。天王親趨玉趾。以心孤。句踐而乃宥赦之。君王之於越也。繫起死人而肉白骨也。孤不敢忘天災。其敢忘君王之。大賜乎。今句踐申禍無良。草鄙之人。敢忘天王之大德。而思邊垂之小怨。以重得罪於下執事。句踐敢帥二三之老。親委重罪。頓顙於邊。今君王

不察盛德。屬兵將殘伐越國。越國貢獻之邑也。君王不以鞭箠使之。而辱軍士使寇。今焉句踐請盟。一分嫡。女執箕箒。以眩姓於王官。一分嫡。男奉槃匱。以隨諸御。春秋貢獻。不解於王府。大王豈辱裁之。亦征諸侯之禮也。夫諺曰。狐狸之而狐搢之。是以無成功。今天王既封殖越國。以昭聞於天下。注。明顯也。而又割亡之。是天王之無成勞也。雖四方之諸侯。則何實以事吳。敢使下臣盡辭焉。唯天下秉利度義焉。詳吳語。史記越世家。吳任嚭政。居三年。句踐召范蠡曰。吳已殺子胥。導諛者衆。可乎。對曰。未可。明年春。吳王比會諸侯於黃池。吳國精兵從王。惟獨老弱與太子留守。句踐復問范蠡。蠡曰。可矣。乃發習流二千。教士四萬人。君子六千人。諸禦千人。伐吳。吳師敗。遂殺吳太子。吳告急於王。王方會諸侯于黃池。懼天下聞之。乃秘之。吳王已盟黃池。乃使人厚禮以請成。越越自度亦未能滅吳。乃與吳平。通鑑外紀。越入吳。吳師自潰。上姑蘇。越圍王臺。吳使王孫洛肉袒膝行。請成於越。曰。孤臣夫差。異日嘗得罪於會稽。夫差不敢逆命。今君王舉玉趾而誅孤臣。孤臣意者欲如會稽之事。敢布腹心。

求成

國語

越王句踐棲於會稽之上。乃號令於三軍曰。有能助寡人謀而退吳者。吾與之共知越國之政。大夫種進對。句踐執其手而與之謀。遂使之行成於

吳曰。寡君句踐之無所使。使其下臣種不敢徹聲聞於天王。私於下執事。曰。寡君之師徒不足以辱君矣。願以金玉子女賂君之辱。請勾踐女女於王。大夫女女於大夫。士女女於士。越國之寶器畢從。寡君帥越國之眾。以從君之師徒。唯君左右之。若以越國之士為不可赦也。將焚宗廟。係妻孥。沈金玉於江。有帶甲五千人將以致死。乃必有偶。是以帶甲萬人以事君也。無乃即傷君王之所愛乎。與其殺是人也。寧其得此國也。孰利乎。夫老將欲聽與之成。詳越語。左傳宣公元年。晉欲求成於秦。趙穿曰。我侵崇。秦急。崇必救之。吾亦求成焉。冬。趙穿侵崇。秦弗與成。襄公三年。楚子辛為令尹。侵欲於小國。陳成公使袁僇如會求成。隱公元年。惠公之季年。敗宋師于黃。公立而求成焉。九月。及宋人盟于宿。始通也。

取

成

春秋左傳莊公十四年春。諸侯伐宋。齊請師于周。夏。單伯會之。取成于宋而還。注。宋人聽命。諸侯取成而反。

拜成

春秋左傳宣元年。東門襄仲如齊拜成。文公三年。衛侯如陳。拜晉成也。注。二年陳侯為衛請成于晉。故往拜謝。

教

成

吳子治兵。吳子曰。用兵之法。教成為先。一人學戰。教成十人。十人學戰。教成百人。百人學戰。教成千人。千人學戰。教成萬人。萬人學戰。教

成三軍。詳兵字。

武成

唐柳宗元集請復尊號表。五兵不試。七德咸宣。殊方者知歸。負固者率服。此武之成也。

曲成

宋韓公安陽集判大名府再任滿乞郡第一表。公幹之卧漳濱。稍延視息。子牟之居海上。敢忘朝廷。斯惟洪造之曲成。雖盡餘生之曷報。王珪華

陽集乞退表。推帝仁之廣育。體天造之曲成。聽還印於上臺。許殺身於散

地。韓滉澗泉日記水火金木土穀惟脩。因天與人也。正德利用厚生。惟和

因人而天矣。上律天時。範圍也。下襲水土。曲成也。祖述堯舜。人道也。憲章

文武。王道也。西漢書地理志。曲成。注。有參山。萬里沙。祠陽丘山。沼水所出。

南至沂入海。有鹽

官縣名。屬東萊郡。

六成

小學紺珠始而北出。再成而滅商。三成而南。四成而南國是疆。五成而分。周公

左。召公右。六成復綴以崇。綴丁劣

八成

小學紺珠邦洵。邦賊。邦謀。犯邦令。擣邦令。

反。樂記注。每奏武曲。一終為一成。為邦盜。為邦朋。為邦誣。周禮。士師掌士之成。注。行事有八篇。

聽政。音征。後以比居。聽師田以簡稽。聽閭里以版圖。聽稱責以傳

音附。別。聽祿位以禮命。聽取予以書契。聽賣買以質劑。子隨反。

聽出入以要會。同上。以官府之八成經邦治。玉海。秋官大司寇。凡諸侯

之獄訟。以邦典定之。六典大夫之獄訟。以邦灋斷之。八灋。庶民之獄訟。以邦成弊之。注。八成也。罪所不貸。有一定之法。故曰成。以官成待萬民之治。

若今時決事比也。士師。下大夫四人。掌士之八成。曰邦洵。邦賊。邦謀。犯

邦令。擣邦令。為邦盜。邦朋。邦誣。注。鄭司農云。八成者。行事有八篇。若今時

決事比。周禮秋官。掌士之八成。一曰邦洵。二曰邦賊。三曰邦謀。四曰犯邦

令。五曰擣邦令。六曰為邦盜。七曰為邦朋。八曰為邦誣。疏。此八者皆是

獄官。斷事成品式。注。邦洵。謂斟酌盜取國家密事。邦賊。謂逆亂者。邦謀

為異國反間。邦令。干冒王教令者。矯邦令。謂稱詐以有為者。邦盜。竊取國

之寶藏者。邦朋。朋黨相阿。使政不

平者。邦誣。誣罔君臣。使失其實。 **九成** 書益稷。韶九成。鳳凰來儀

之物。說文云。樂名。韶。季札觀周樂。見舞韶。韶。蓋舜樂之總名

也。今文作簫。故先儒誤以簫管釋之。九成者。樂之九成也。功以九叙。故樂

以九成。九成。猶周禮所謂九變也。孔子曰。樂者象成者也。故曰成。文中子

文中子嘗曰。夫樂象成者也。被於形。而流於聲。王化之始終。所以可見也。

故韶樂九成。則有虞氏之恩。被動植矣。鳥

鵲之巢。可俯而窺也。鳳凰何為而藏乎。 **守成** 貞觀致要。貞觀十年。太宗謂侍臣曰。帝王

之業草創與守成熟難。尚書左僕射房玄齡對曰：天地草昧，羣雄競起，攻破乃降，戰勝乃剋。由此言之，草創為難。魏徵對曰：帝王之起，必承衰亂，覆彼昏狡，百姓樂推，四海歸命，天授人與，乃不為難。然既得之後，志趣驕逸，百姓欲靜而徭役不休，百姓凋殘而侈務不息，國之衰敝，恒由此起。以斯而言，守文則難。太宗曰：玄齡昔從我定天下，備嘗艱苦，出萬死而遇一生，所以見草創之難也。魏徵與我安天下，慮生驕逸之端，必踐危亡之地，所以見守文之難也。今草創之難，既已往矣，守文之難，所當思與公等慎之。馬令南唐書嗚呼甚哉守成之難也。非持守之難，而授之者尤難。非授之難，而知其可受者為難。商有天下，成湯作之。太甲守之，而中有不類之憂。嚮非阿衡之佐，則求其思庸之復也難矣。周有天下，武王作之。成王守之，而中有流言之變。嚮非周公征之，則求其鳧鷖之雅也亦難矣。以唐太宗之豐功大業，一正天下，建不拔之基，而晉王之立，殺父之臣，失父之政，卒至大亂，矧不及於太宗者乎。元宗即位一十九年，有經營四方之志，約已慎刑，勤政如一。嚮非任用辟小，屏棄忠良，國用不單於閩楚，師旅不棄於淮甸，則庶幾完成之君也。志有之曰：揚者，易生之木也。一人植之，十人拔之。無生揚矣。以新造之唐，而守之非道，不幾乎朝蔭而夕握，其亡也不旋。

踵。故周世宗以衰世之鋒。一鼓而十四州之地掇如也。悲夫。元王憚秋澗集元貞守成事鑑。古稱繼體之君。猶持盈守成。盈者。器之滿。成者。物之聚。既成。既盈。手執身護。一或怠。則墮其成。一或側。則溢其盈。可不慎哉。伏惟陛下。聰明睿智。足以保臨。即位之初。追崇祖考。尊禮大臣。息兵愛民。慎官節用。固以得守成之道。臣所以孜孜為言者。蓋以治安難恃。驕怠易生。故也。昔唐太宗問創業守成熟難。魏徵對昔之興。乘亂覆昏。殆天授人與。既得則鮮不怠驕。有國之弊。常由此起。守成為不易。太宗以徵言為然。司馬光亦曰。夫民有十金產者。猶思先世所致。必苦身謹守。惟恐失墜。况享祖宗奄有四海之業。將傳於無窮。如何哉。伏望陛下。以司馬光言為鑒。唐太宗之問為法。豈惟宗社之福。實天下幸甚。若夫聖子神孫。既明其體。不可不新其用。敢畧以四者為言。纂武功。平禍亂。而一統者。垂統之祖也。尚文德。以柔道。而為理者。守成之君也。仁義禮樂。乃治之具也。仁者。政之德。所以固億兆易動之心。義者。事之制。所以明政務當然之宜。禮者。萬事之節。所以革去僭越。定上下之分。樂者。聲音之和。所以蕩滌淫邪。決天人

之氣也。此四者。先王致治要道。正在用之。何如耳。惟陛下垂察。

持盈守成

宋張方平樂全集用人體要論經綸也昧

之時。則有不次急用之擢。持盈守成之時。自宜遵常守故而己。劉忠肅公
集又免右僕射表。以盛德紹天地。以至孝承祖宗。恭默無為。方在持盈守
成之日。左右同體。宜
得秉道明義之臣。

永樂大典卷之八千二十二

永樂大典卷之八千二十三

十九庚

成

樂象成

類說樂者象成者也。總干而山立。武王之事也。發揚蹈厲。太公之志也。

明師象成

抱朴子崇教愛子。欲教之義方。雕琢切磋。弗納於邪偽。選明師以象成之。擇良友以漸染之。

秋獻成

周禮夏官。稟人。春獻

素。秋獻成。注。飭治畢為成。

陽慶其成

宋張文潛宛丘集禮論。先王之於陰陽也。陽慶其成。而陰惡其盛。

衆

論易成

尚意譬喻論策。衆噓漂山。聚蚊成雷。一犬吠形。百犬吠聲。形本無也。吠者多。則無可為有。一人傳虛。百人傳實。事本

虛也。傳者衆。則虛可為實。

佛道難成

宋蘇東坡集中。和勝相院記。佛之道難成。言之使人悲酸愁苦。其始學之。皆入

山林。踐荆棘。蛇虺。裸袒雪霜。或剗割屠膾。燔燒烹煮。以肉飼虎豹。鳥鳶蚊蚋。無所不至。茹苦含辛。更百千萬億年而後成。

印壞文

成

涅槃經中陰五陰亦非自生不從餘來因現陰故生中陰陰如印印泥印壞文成。

五穀數成

大智度論

佛入舍婆提城乞養有婆羅門以佛數數到其家心作是念是沙門何以來數數如負其債佛時說偈曰時雨數數墮五穀數數成數數成福業數數受果報婆羅門聞以慙愧取鉢盛食奉佛懺悔出家得阿羅漢。

一斧斫成

宗門統要雲峯存禪師因洞山問什

麼處來師云斫槽來洞云幾斧斫成師云一斧斫成洞云猶是這邊事那邊事作麼生師云直得無下手處洞云猶是這邊事那邊事作麼生師云去汾陽昭代云某甲早是困也。

以字不成

頌古聯珠經首題火字昔有僧問地藏琛和尚以字不成八字不是未審

是甚麼字地藏曰看取下註脚又有問披雲寂師答以頌曰以字不是八字不成森羅萬象此中明直饒巧說千般妙不是漚和不是經。汾陽昭曰以八不成只目前經中未識註中看垂慈不為多知解切要參玄達本源佛印元曰以字不成八不是拈起經題皆擬議下所註脚任君看却是入門先問諦佛慧泉曰以字不是八不成龍門風浪若雷霆多少遊魚迷去路依前和尚落滄溟雲居祐曰我佛金言義海深開遮唯要悟真

心。首標妙在當頭。劄密使泥牛曉夜吟。地藏恩曰。拈起題摸不着。却看
下頭註脚。了知字義炳然。地藏潛通廣略。覺範洪曰。以字不成。八字不

是。法身睡着無遮閉。衲僧對面不知名。百萬人前呼不起。羅漢南曰。以
字不成八字非。滿琅瑤載絕毫釐。看經到此復開眼。玉軸分明兩畔題。

疎山常曰。經題滿目孰知元。點畫分明白義全。佐國欲知功力大。蕭何元
是漢朝賢。開福寧曰。以字不是八字不成。無言童子笑忻忻。優曇華現

人間世。鼻孔通天鼻不聞。徑山果曰。以字不成八字非。語忌十
爍迦羅眼不能窺。一毛頭上重拈出。忿怒那吒失却威。語忌十

成

禪林僧寶傳九峯玄禪師曰。語忌十成。不
欲斷絕。機忌觸犯。不欲染污。詳本傳。

丹有三成

傳道
集修

鍊還丹。三轉曰小成。服之延壽。六轉曰中成。服
之長生。九轉曰大成。服之上昇。故謂丹有三成。

懶與慢相成

回溪史韻晉嵇康與山濤書曰。少加孤露。毋兄見驕
不涉經學。又縱逸來久。簡與禮相背。懶與慢相成。

作舍三年

不成

回溪史韻後漢曹裒為博士。肅宗欲制定禮樂。裒知帝旨。上疏
宣定文制。著成漢禮。太常巢堪以為一世大典。非裒所定不可

許。衰復上疏。具陳禮樂之本。制改之意。拜衰侍中。召玄武司馬班固問改制之宜。固曰。京師諸儒受命撰次。天子至於庶人。冠婚吉凶制度奏上。會帝崩。和帝立。以新禮冠拜衰射聲校尉。太尉張酺奏衰擅制漢禮宜誅。帝寢其奏而禮不行。注呂氏春秋。魯哀公問孔子曰。樂正夔一足矣。治

道非禮樂不成。回溪史韻漢禮樂志。河間王有雅才。亦以為治道非禮樂不成。因獻所集雅頌。不

雄成。莊子不雄成。不恃其成。而處物先。法令成。回溪史韻唐袁天綱謂王珪曰。法令成。天地相臨。不出十

年官。肺字虛成。黃庭經肺神結華字虛成。謂肺為心之華蓋。西方金色。其質清虛。為壇三

成。周禮秋官司儀。將合諸侯。則令為壇三成。注。為壇于國外。以命事。鄭司農云。三成。三重也。爾雅曰。丘三成。為昆侖丘。謂三重也。詳秋下。

恒山四成。山海經西山經。西次三經。槐江之山。東望水到。恒山四成。成。亦重也。爾雅曰。再成曰英。

渠成。宋蘇東坡集與章子厚書。俗謂水到渠成。至時亦必自有處置。禪林僧寶傳福昌善禪師問僧什麼處來。對曰。遠離兩浙。近離

鼎州曰夏在什麼處。曰德山。曰武陵溪畔。道將一句來。僧無語。乃自代曰。水到渠成。詳本傳。

累臺增成

西漢書司

馬相如傳上林賦曰。象臺增成。注。增重也。一重為一成也。

其葉胥成

山海經中山經中次七經姑媯之山。蒿草其葉

胥成言華

相重也

員葉三成

山海經中山經中次七經鼓鍾之山。有草馬。方草而黃華。負葉而三成。葉三重也。名

曰烏酸。可以為毒。為治也。

戚里織成

太平廣記漢絲女常以七月七日夜。穿七孔針。宣帝被收繫獄。臂上猶帶史良

娣合米。婉轉絲繩。係身。毒國寶鏡一枚。後宣帝即位。常以虎魄笥盛之。緘以戚里織成。一曰斜文織成。宣帝崩。不知所在。詳針下。

濟南

推成

田溪史韻後漢韓稜。肅宗時為尚書令。與僕射邳壽。尚書陳寵。俱以才能稱。帝嘗賜尚書劔。唯此三人特以寶劔手署。名曰韓

稜。楚龍淵。邳壽。蜀漢文。陳寵。濟南推成。論者以稜淵深有謀。故得龍淵。壽明達有文章。故得漢文。寵敦朴善不外見。故得推成。

慶成

郊祀禮。詳郊明堂禮。詳堂梅亭四六標準代。回廖宣義慶成啓。共阿戎談。獨未見其父耳。作靈光賦。果有異於人乎。申之雄箋。展也厚意。恭惟某

官清門有奕。素學甚都。安在何見晚耶。小淹賢業。幸哉有子。如此足表義方。頗聞及瓜。已戒行李。顧念江湖之賜號。亦勤煙霧之勒移。想象朝雲。已覺鋪張之巧。扶持夜燎。更勞駢儷之工。某無以報瓊重於辭壁。靈椿一而僊柱五。跂予望之。胡琴四而鹿鳴三。聊相復也。宋歐陽公集南郊慶成詩。祀教民昭孝。天惟德是親。太宮嚴大饗。吉土兆精禋。禮樂三王盛。梯航萬國賓。恩沾羣動洽。慶與一陽新。奉冊尊長樂。均釐及衆臣。不須雲物瑞。和氣浹人神。明堂慶成詩。辰火天文次。皋門路寢闕。奉親昭孝德。惟帝饗精誠。禮以三年講。舊作諦。今依家本。宣蘇本作講。時因萬物成。九筵嚴太室。六變導和聲。象魏中天起。風雷大號行。歡呼響山岳。流澤浹根莖。寶墨飛雲動。金文耀日晶。從臣才力薄。無以頌休明。韓魏公安陽。集恭謝天地慶成五言六韻。世積皇基厚。天扶帝極安。宸心思報重。靈荅匪誠難。蠲潔齋居啟。凝嚴路寢寬。二儀通聖饗。三后接神歡。惠澤開秋慘。和聲破曉寒。南山薦君壽。曉闕聳群觀。蘇魏公集恭謝慶成詩十韻。嘉祐元年九月。代劉相作。時二府皆有詩議者云。皆不逮劉公者。公聞之曰。某久不事筆硯。此親情蘇校勘所作也。人嘉其不掩善。聖孝當天世。繼明兩全能。饗禮交行。路朝躬欵。三年報齋。復先端七日誠。穹厚博臨。通眚饗祖宗。

嚴祀極專精。冕章從質更新製。鍾虞鏗純復舊聲。先是命禮官重定衮冕
 制度。務從簡質。仍詔用舊樂。舞佾前陳。徽烈茂燎。煙升達上儀成。不祈厚
 福歸諸己。務達龐恩及庶氓。還御端闈。孚大號。載頌元歷慶鴻名。歡謠沸
 渭盈都輦。協氣旁流浹海瀛。百辟旅庭紛嶽抃。四方延首效葵傾。帝心虎
 鞏常無怠。億萬斯年享治平。江湖後集王志道。和丰庵慶成詩韻。重屋
 祇承敬勿休。前星主鬯貳凝旒。度筵九尺陳黃目。助祭諸王未白頭。精意
 已知通烈祖。儀文元不減園丘。兩階屢舞苗民格。何況金穰歲有秋。江湖
 續集武衍恭謝慶成詩十闕。二載明禋帝意專。辦香盃謝祖宗前。願前
 盛典從頭數。紹述應須億萬年。麝蠟籠紗粲玉階。珠龔齊撤九門開。一
 天星斗明如月。法駕徐擎出殿來。宮監推簾探曉星。景陽鍾動已妝成。
 鳳輿陸續銜車馬。黃道香濃尾駕行。禮成列聖宴群工。浩蕩春風到竹
 宮。傳旨簪花俄侶錦。信知天子是天公。大官宣勸禮優寬。中殿妃嬪各
 盡懽。和氣滿城天色好。不妨直際晚回鑾。樂奏僊韶進壽觥。舳舻稜風細
 寶香清。隔簾微見龍顏啓。綠是優人有笑聲。宮前儀衛尚般還。花裏聲
 傳午漏殘。見說御園才放水。聖心游泳正觀瀾。染羅彫草幹天機。簇戴
 工夫闢出奇。唯有近臣恩數異。尚方別賜細欒枝。小白長紅十里春。歸

來天仗擁香塵。翩翩黃屋彤霞裏。輦上無花止一人。士庶重重間綺羅。霽光熏作小春和。御街兩行瞻天表。比似前回人更多。任希夷斯庵集慶成五首。國重明裡預戒期。九筵宏敞肅宗祈。堦前萬旅皆花帽。庭下千官盡絳衣。三日齋心嚴殿宿。一聲清蹕響簾幃。聖躬靡恃皇天眷。夙夜寅恭但畏成。芝房羽駕備通宵。昧爽天興輦路遙。原廟出遊早漢祀。太清先獻踵唐朝。冕旒穆穆陞前殿。鍾石鏘鏘達九霄。謬忝侍臣分奏告。嘉觴肅薦徧宗祧。合宮三歲縟儀收。太室先期肇自周。玉璫黃流躬裸鬯。大圭元冕薦嘉羞。靈臺畢舉三千禮。鑿路安行十二游。導從却歸齋殿去。詰朝牡壁對天休。仲辛肆事展明堂。磬管鏘鳴更令芳。蒼壁肅陳尊聖主。二觴嘉薦屬儲皇。雲車天上紛紛下。月鑑庭中穆穆光。八舉親祠俱響答。吾皇誠意感穹蒼。紫宸朝罷御端門。天宇澄清景氣溫。丹鳳樓中黃繖立。金鷄竿上綵旗翻。萬人聳聽風雷號。四海均霑雨露恩。須信卑宮勤肆祀。君王本意在元元。陳杰自堂存藁元旦南郊慶成詩。熙朝政化謹三元。有事都南典禮全。嗣聖萬年初見帝。小臣十起夜瞻天。想回玉輅紅雲曉。更揭金鷄暖雨前。但願慶成天下福。賦詩豈必從甘泉。

示成

圓悟語錄師示成脩造日。蔣山門下。無禪可說。無道可傳。雖聚半千衲。

子。唯以箇金剛圈。栗棘蓬。跳者着力跳。吞者用意吞。莫恠無滋味。太嶮峻。或若驀地。體得。如畫錦還鄉。千人萬人。只仰羨得。要且覓他所從來不得。所謂人人本分事也。才生心動念。承當擔荷。早不本分了也。直得萬機休罷。千聖不携。亦猶有依倚在。快須擺撥透脫。那邊去始得。所以道。但有纖毫。即是塵。舉意便遭魔所撓。成就一切。總只由他。破壞一切。亦只由他。奇特殊勝緣。恒沙功德藏。無量妙莊嚴。超世希有事。皆所成就。慳貪憎妬情。識執着。有為有漏。垢染雜亂。解路名相。知見妄想。皆所破壞也。唯他能轉一切物。一切物不能轉他。雖無形段面目。而包括十虛。含凡育聖。若有取之。即墮見刺。卒摸索不着。諸佛開示。祖師直指。唯心妙性。徑截承當。不起一念。透頂透底。無不現成。於現成際。不勞心力。任運逍遙。了無取舍。乃真密印也。大慧語錄佛言。若有欲知佛境界。當淨其意。如虛空。遠離妄相。及諸趣。令心所向。皆無礙。決有此志。學無上菩提。常令方寸虛豁豁地。不着言說。不墮空寂。無言無說。兩頭俱勿依怙。善惡二事。無取無捨。日月二六時中。將思量計較之心。坐斷。不於空寂處住著。內不放出。外不放入。如空中雲。如水上泡。瞥然而有。忽然而無。只向這裡翻身。一擲抹過太虛。當恁麼時。安排他不得。餒釘他不得。何以故。大法本來如是。非是彊為。不見釋。

迦老子有言。不取衆生所言說。一切有為虛妄事。雖復不依言語道。亦復不著無言說。今時士大夫學此道者。平昔被聰明靈利所使。多於古人言語中作道理。要說教分曉。殊不知枯骨頭上。決定無汗可覓。縱有聞善知識所訶。肯離言說相離文字相。又坐在無言無說處。黑山下鬼窟裡不動欲心所向無礙無窒。不亦難乎。既為無常迅速。生死事大。決定有志。直取無上菩提。世間種種虛妄不實底事。一筆勾下。却向不可取不可捨處。謾覷捕者。是有是無。直得無用心處。無開口處。方寸中如一團熱鐵相似。時莫要放。却只就遮裡看箇話頭。僧問雲門。殺父殺母。向佛前懺悔。殺佛殺祖時。却向甚處懺悔。雲門云。露若有決定志。但只看箇露字。把思量分別塵勞中事。底心移在露字上。行行坐坐。以此露字提撕。日用應緣起。或喜或怒。或善或惡。侍奉尊長處。與朋友相酬酢處。讀聖人經史處。盡是提撕底時節。驀然不知不覺。向露字上絕却消息。三教聖人所說之法。不著一。一間人。自然頭頭上明。物物上顯矣。佛不云乎。菩薩摩訶薩。以無障無礙智慧。信一切世間境界。是如來境界。古德云。入得世間。出世無餘。便是遮箇道理也。只怕無決定信。決定志耳。無決定信。則有退轉心。無決定志。則學不到徹頭處。且那箇是有決定信。而無退轉心。有決定志。而學到徹頭。

處者。昔牛頭山第二世智巖禪師。曲阿人也。姓華氏。弱冠智勇過人。身長
 七尺六寸。墮大業中。為郎將。常以弓掛一漚水囊。隨行。所至汲用。累從大
 將征討。頻立戰功。唐武德中。年方四十。遂乞出家。入舒州皖公山。從實月
 禪為弟子。後一日宴坐。覩異僧身長丈餘。神姿爽拔。詞氣清朗。謂巖曰。卿
 八十生出家。宜加精進。言訖不見。又嘗在谷中入定。山水瀑漲。巖怡然不
 動。其水自退。有獵者過之。因改過脩善。復有昔同從軍者二人。聞巖隱遁。
 乃共入山尋之。既見。謂巖曰。郎將狂耶。何為住此。巖曰。我狂欲惺。君狂正
 發。夫嗜色淫聲。貪榮冒寵。流轉生死。何由自出。二人感悟。歎息而去。貞觀
 中。歸建鄴。入牛頭山。謁嬾融禪師。發明大事。嬾融謂巖曰。吾授信大師真
 訣。所得都亡。設有一法。過於涅槃。吾說亦如夢幻。夫一塵飛而翳天。一芥長
 而覆地。汝今已過此。見吾復何云。山門化導。當付於汝。遂為牛頭第二世
 祖師。此乃有決定信。而無退轉心。有決定志。而學到徹頭處底樣子也。三
 教聖人所說之法。無非勸善誡惡。正人心術。心術不正。則姦邪唯利是趨。
 心術正。則忠義唯理是從。理者。理義之理。非義理之理也。如尊文節。使見
 義便為。逞非常之真勇。乃此理也。圭峯禪師云。作有義事。是惺惺心。作無
 義事。是狂亂心。狂亂由情念。臨終被業牽。惺悟不由心。臨終能轉業。亦此

理也。清凉云。語證則不可示人。說理則非證不了。亦此理也。佛云。理則頓悟。乘悟併銷。事非頓除。因次第盡。亦此理也。李長者云。圓融不碍行布。即一而多。行布不碍圓融。即多而一。亦此理也。永嘉云。一地具足一切地。一法徧含一切法。一月普現一切水。一切水月一月攝。亦此理也。華嚴云。佛法世間法。若見其真實。一切無差別。亦此理也。其差別在人。不在法也。忠義奸邪。與生俱生。忠義者處姦邪中。如清淨摩尼寶珠。置在淤泥之內。雖百千歲不能染污。何以故。本性清淨。故姦邪者處忠義中。如雜毒置於淨器。雖百千歲亦不能變改。何以故。本性濁穢。故前所云。差別在人。不在法。便是這箇道理也。如姦邪忠義二人同讀聖人之書。聖人之書是法。元無差別。而姦邪忠義讀之。隨類而領解。則有差別矣。淨名云。佛以一音演說法。衆生隨類各得解。是也。忠義之士。見義則本性發。姦邪之人。見利則本性發。如磁石遇鐵。而火逢燥薪。雖欲禁制。不可得也。如尊丈節使。雄列過人。唱大義於萬衆之中。聳動而聽。亦本性忠義而見義則發。非造作。非安排。教中所謂譬如摩訶那伽大力勇士。若奮威怒於其額上。必生瘡疱。瘡若未合。閻浮提中一切人民。無能制伏。佛以此喻發菩提心者。菩提心。則忠義心也。名異而體同。但此心與義相遇。則世出世間。一網打就。無少無

剝矣。予雖學佛者。然愛君憂國之心。與忠義士大夫等。但力所不能而年運往矣。喜正惡邪之志。與生俱生。永嘉所謂假使鐵輪頂上旋。定慧圓明終不失。予雖不敏。敢直下自信不疑。季恭志趣不凡。春秋鼎盛。正是奔走塵勞之時。能以此時回來學。無上菩提。非夙植德本。焉能信得及。把得定。作得主宰。願堅固此心。終始如一。觸境遇緣。不變不動。方名有力大人。無常迅速。生死事大。若念念以此一段大事因緣為未了未說。直下超證。且省得日用因緣處。許多障道底惡業。况一念相應。轉凡成聖。邪。但辦肯心。必不相賺。古來自有為善底樣式。博極群書。只要知聖人所用心處。知得了自家心術。即正。心術正。則種種雜毒。種種邪說。不相染污矣。季恭立志學儒。須是擴而充之。然後推其餘。可以及物。何以故。學不至不是學。學至而用不得不是學。學不能化物不是學。學到徹頭處。文亦在其中。武亦在其中。事亦在其中。理亦在其中。忠義孝道。乃至治身治人。安國安邦之術。無有不在其中者。釋迦老子云。常在於其中。經行。及坐坐卧。便是這箇消息也。未有忠於君而不孝於親者。亦未有孝於親而不忠於君者。但聖人所讚者。依而行之。聖人所呵者。不敢違犯。則於忠。於孝。於事。於理。治身。治人。無不周旋。無不明了。行看尊文節。使立大功。凱旋而歸。季恭一躍青雲。

之上。成氏之門。有武有文。無可疑者。季恭勉之。

孝弟集成

宋史和嶠傳。嶠少有俊才。父奇之。後擢進士。累官至太子

中允。淳化初。嶠補注疑所撰。今孝弟集成十卷。以獻。遂以本官直集賢院。

朱子集成

序。吾友黃觀樂取晦庵朱氏

諸書在四書外者。粹為十。加博註增說。名之曰朱子成書。俾予序。嗚呼。是可以言成矣。朱子前。蓋未嘗有成書也。傳註繁蕪。雜著偏駁。至通書而後粹然出於正。然自為書與諸子相望。非述而不作意也。朱氏始而後六經之說粲然復興。諸子百家之可傳者。亦各有論著。始終條理。可以言大備矣。昔者吾夫子。蓋未嘗著書。書定詩刪。春秋筆削而已。今誦四書者。六經如可後。尊集註者。他書皆可略。甚不然也。余少不佞。自為時文時。每欲窮索古人心。曾趣味。不但雷同是非。止嘗盡讀朱氏書。漫試語同輩。朱氏於熙寧元祐孰主。介父君實孰右。無不謂玄元祐。右君實。乃殊不盡然。繇是觀之。議論之不可盡如此。况學問哉。四書外政大有事。此成書之不容已也。今成書為太極圖通書。此所為異象山而費論辨者也。正象繇易以起。而啓象又本義之所以本也。西銘則天地萬物之同體。所以施之天下國家之道也。皇極指要。則西山相與沉潛。超悟天人之要。而門弟子之不得

聞者也。冠昏喪祭。折衷三千年之異同而歸之一。莫備於家禮。陰陽水火。流行造化之妙。度量權衡。統和天人之本。莫博於叅同契。律呂書若陰符之說。所以祐世惑而反之正者。皆不可以不之知也。嗟乎。曰書者。天地也。是十書者。二氣五行也。微是十者。無以發四書之用。不觀於此者。亦無以集朱氏之成。學者試以予言思之。豈不足以矯然而有省矣乎。不然。無有乎爾。則亦無有乎爾。觀樂是編。繙語錄全集。披同時往復跋涉。閱訂質確。又將類詩話雜說於此外。如于種未愁也。觀樂學於先子有年。往從廬山西坡家有異聞得遺墨。今為此書。與勉齋西坡皆當家盡力於朱門云。大德乙巳冬至。廬陵劉將孫謹書。

大司成

禮記文王世子。大司成。論說在東序。注大司成司徒之屬師氏也。允侍坐於大司成

者。遠近間三席席間函丈。注講問所容也。四六叢珠。唐常袞授魚朝恩檢校國子監。制大司成。以三德三行教國子。所以明詩書禮樂之宗。立忠信孝友之本。使方領矩步。敬業樂群。繫於化成者。選尤重。以其達俎豆之禮。嘗亦委膠庠之事。能以德義導其諸生也。鄭氏譚綺稱國子監祭酒曰大司成。司業曰少司成。宋史職官志。崇寧三年。詔辟雍置司成一員。四年。詔辟雍待四方貢士在國之郊。太學教養上舍生在王城之內。內外既殊。高

下未倫。辟雍有司成在侍郎之次。國子有祭酒司業列於卿少。事體不順。合行釐正。改辟雍司成為大學司成。總國子監及內外學事。凡學之事皆許專達。仍立學官禁謁。宋李忠定公集給事中除大司成誥。朕樂育天下之材。恢庠序於海隅。發明先聖之教。合儒道於學宮。必資雅望之臣。以總成均之政。歷選在位。爰得其人。具官某。直諫多聞。靖共有守。智足以知聖人之道。文足以為學者之宗。頃被明揚。荐躋華要。代言西掖。訓辭有灝噩之風。列職東臺。議論極忠嘉之益。方師儒之虛席。非老成而易居。莫如汝宜其為朕往。惟京師首善之地。而學校賢士之關。英俊並游。道藝焉考。法令欽宗。諱具。皆朕制作之規。賢能賓興。資爾推行之力。務稱圖任。嗣有寵褒。劉才邵。杉溪居士。集賀葛司成啓。伏審顯庸。綸綍榮領。膠庠陞禁。從之華資。處儒宮之極任。既頒成命。允協師言。洪惟熙朝。欽若成憲。期道化周流於宇內。而賢能悉墮於教中。遠追三代之風。肇建十學之法。觀而化者。瞻雲漢之成章。推而行之。宜紀綱之具舉。東求名德之碩輔。俾總內外之師儒。顧非鉅賢。孰膺隆眷。恭以司成先生。際天蘊識。名世標才。懷經濟之遠猷。秉柔嘉之懿德。英辭川湧。既源深而流長。縟彩星陳。獨芒寒而色正。會逢華旦。自結深知。飛逸步於亨衢。騰休聲於輿論。遂亟膺於新渥。

爰峻陟於近班。多士聞風。遠邇再聆於木鐸。嘉猷入告。姓名行覆於金甌。某稟質無庸。受知有素。逖瞻恩館。思伏砌以未由。倍積慶悰。第依風而結戀。許景衡橫塘集賀盧司成啓。伏審光被渙恩。峻更新命。專論說於東序。自昔有聞。流道德於西靡。于今乃見。朝廷屬望。師儒得人。傳聞四方。鼓舞多士。伏惟歡慶。恭以某官。學通聖聞。名重賢關。群居講磨。不獨發明於經術。一時操履。固已矜式於朋游。頃自諫垣。揚于殿省。休有譽處。簡在聖神。方璧水之恢儒。顧絳帳之虛席。敷求其可。宜屬諸誰。矧復三代里選之文。而華千載科舉之弊。天子樂育德音。見於日新。海宇欽承。賢能舉皆雲集。自非學校之先進。烏可模範於後來。三年有成。尚竊遲之。一變至道。庶幾可也。惟懋非常之績。上神至治之功。言謝諸生。入贊大政。某下辭。葛勝仲丹陽集辭免大司成劄子。臣准東上閣門告報已降。告命除臣試大司成者。庇賤之臣。驟膺親擢。聞命震怖。不知所為。恭惟陛下。大興庠序。以興斯文。聲教之遠。外薄海表。而成均辟雍之長。實總中外學政。非宿德名儒。豈稱任使。伏念臣。孤愚一介。經學淺薄。徒知安分守義。而行能器識。無以逾人。昨被選除。再貳國子。夙夜黽勉。頗有毫髮之效。而訖未有聞。方懼曠官。以奸刑吏。敢謂天慈。不遺微品。特加因任。就進從班。雖曲澤所加。在

臣至縈幸。而公議可畏。不敢輒冒非據之寵。伏望睿明。特行遷令。追寢誤恩。豈惟示名器之公。亦以增學校之重。所有告命。臣未敢祇受。干冒天威。

臣無任屏營

俟命之至。

訓成

北史。后妃列傳序。齊孝昭置八十一御女。四十九曰訓成。

任成

馬明叟實賓錄。齊長

沙威王晃。少有武力。為高第所愛。從駕以馬稍刺道邊枯樹上。今數人引之。銀纏皆卷。稍不出。乃令晃復馳馬拔。拔應便去。每遠州獻駿馬上。輒令晃調試之。帝常曰。此我家任成也。梁廬陵王績。膂力絕人。馳射遊獵。發命便中。高祖嘗曰。此吾家任成。西漢書地理志。任成。縣名。屬東平國。注。故

任國太昊後。風

姓。莽曰延就亭。

馬成

回溪史韻。後漢虞延。字子大。為洛陽令。陰氏客馬成。常為姦盜。延收考之。陰氏屢請獲一書。輒

加榜二百。陰就乃譖延多所冤枉。世祖親錄囚徒。延陳其狀。可論者在東。無理者居西。成欲回趨東。延前執之曰。爾人之巨蠹。久依城社。不畏熏燒。今竟實未竟。宜當伏法。成大呼稱枉。帝知延無私。謂成曰。汝犯王法。身自取之。可使逮去。後數日伏誅。於是外戚斂手。

王成

回溪

史韻。後漢李燮。父太尉固。為梁冀所害。二兄亦死。郡獄。燮年十二。姊文姬。密告父門生王成。將燮入徐州界。令燮姓名。為酒家傭。成賣卜於市。陰相

往來十餘年。梁冀誅。詔求固後嗣。乃還南鄭。追服。姊弟相見。悲感傍人。後王成卒。燹以禮葬之。每四節為設。上賓之位。而祠焉。**相成**

羅泌路史後紀黃帝者有熊氏。即神牧於相成。法。莊云牧馬童子。相成。即襄城。金簡玉字云。受襄城小童步六紀之法。黃纍小童步三綱之法。三羽

云。襄城小童援軒皇七元六紀天綱之經。四極明科云。帝封一通於太山。一於勞盛山。

道成

高僧傳道成不知何許人。居于天邑。

演彼律乘。戒月揚光。圓而不缺。德瓶告實。滿而不傾。顯慶中。敷四方。一宗有同霧市。詳明律僧。字明範。姓陶氏。丹陽人。性用安詳。威儀合度。天人

模楷。罕有其儔。以開皇十九年五月五日。遷神於興嚴寺。春秋六十有八。詳明律僧雪竇語錄送道成禪者。曹溪流。非止水。一點忽來。千波自起。

直須釣鼇。釣鯨。莫問得皮得髓。君不見石頭有**法成**。高僧傳法成姓王氏。出家苦節。

言兮。聖不慕他靈不在。已成禪。成禪。誰家之子。勤于化導。聲發嚮隨。行高質直。成行激勸。多以崇福為己任焉。詳興福僧五燈會元釋法成。涼州人。十六出家。學通經律。不餌五穀。唯食松栢枝。孤

居巖穴。習禪為務。後小疾。便告眾云。亡侍疾人。咸在空中。有紺馬。皆負金棺。升空而去。詳習禪僧。法成禪師。嘉興崇德人也。詳禪僧。**無**

成

高僧傳姓馬氏扶風人履業清正神悟絕倫聞什公在關負笈從之什問沙彌何能遠來荅曰聞道而至什大善之於是經停務學慧業

愈深於淮南中寺涅槃大品常更互講說受業二百餘人詳議解僧

慧成

五燈會元姓段氏灃陽人受業於十住寺聞南岳闡化之

盛即往依之岳令入方等觀音法華般若舟三昧歷試諸行以消宿障得解衆生語言三昧又於荊州枝江創造籃寺陳後主聞師名召之毅然不往

復令江總往迎之帝躬請

戒法賜所居曰禪慧寺

繼成

五燈會元袁之宜春劉氏子師赴太尉陳公良弼齋時徽州皇帝私幸觀

之有善華嚴者乃賢首宗之義席也問諸禪曰吾佛設教自小乘至於圓頓常問禪宗一喝能轉凡成聖則與諸經論似相違背師曰如我一喝非

唯能入五教至於工巧技藝諸子百家悉皆能入我有一喝之時有非是有因無故有無一喝之時無非是無因有故無皇帝顧謂近臣曰禪宗玄

妙深極如此淨因才辨亦罕有也嗣智海平禪師詳禪僧

後成

西漢書匈奴傳西域狐蘭支將人衆二千餘已降匈奴單于之狐蘭

支與匈奴共入寇擊車師殺後成長

樂成

西漢書地理志樂成縣名屬河間國注虜池別

古曰後成車師小國名也長其長師也

水首受虜池。河東至東光入虜池河。**安成**。西漢書地理志。安成。注。侯國。莽曰陸信。又侯國縣名。屬南陽郡。國。莽曰至成。縣名。屬汝南

郡。又安成縣名。屬長沙國。注。廬水東至廬陵入湖漢。莽曰思成。**文成**。西漢書司馬相如傳。上林賦。曰。文成顛歌。注文成。遼西縣

名。其縣人善歌。莽曰言虜。**高成**。西漢書地理志。高成。注。都尉治縣名。屬勃海郡。又本志。高成。注。滄山滄水所出。東入緜。緜水南至

華容入江。過郡二。行五百里。莽曰言程。**北新成**。西漢書地理志。北新成。縣名。屬中山

國。注。桑欽言。易水出西北。東入滏。莽曰朔正。**新成**。西漢書地理志。新成。注。侯國縣名。屬北

中故戎蠻子國。縣名。屬河南郡。**建成**。西漢書地理志。建成。注。蜀水東至南昌入湖漢。莽曰多聚。縣名。屬豫章郡。又本志。建成。注。侯

國縣名。屬沛郡。**鐔成**。西漢書地理志。鐔成。注。康谷水南入海。玉山潭水所出。東至阿林入鬱。過郡二。行七百二十里。應劭曰。潭水所

出。東入鬱。音滂。孟康曰。鐔音譚。**良成**。西漢書地理志。良成。注。侯國。莽曰承翰。師古曰。左氏傳所謂晉

侯會吳子于良。即此是縣名。屬東海郡。

肥成

西漢書地理志。肥成。注。應劭曰。肥子國縣名。屬泰山郡。

遂成

西漢

書地理志。遂成。

縣名。屬樂浪郡。

宜成

西漢書地理志。宜成。注。侯國縣名。屬濟南郡。

石成

西漢書地理志。石成。縣名。

屬右北

平郡。

義成

西漢書地理志。義成。縣名。屬沛郡。

隰成

西漢書地理志。隰成。縣名。屬西河郡。注。莽曰慈平亭。

陸成

西漢書地理志。陸成。縣名。屬中山國。

昌成

西漢書地理志。昌成。注。侯國縣名。屬信都國。

驪成

西漢書地理志。驪成。注。大揭石山在縣西南。

莽曰揭石。師古曰。揭音桀。縣名。屬右北平郡。

抱成

隋書地理志。抱成。縣。舊名抱并。置郡。平郡。

廢。十八年

改曰抱成。

梧成

西漢書地理志。梧成。縣名。屬琅邪郡。

景成

西漢書地理志。景成。注。侯國縣名。屬勃海郡。

穀成

西漢書地理志。穀成。注。禹貢瀍水出替亭北。東南入雒。師古曰。即今新安。替音潛。縣名。屬河南郡。

南成

西漢

書地理志。南成。注。侯

國縣名。屬東海郡。

廣成

西漢書地理志。廣成。縣名。屬右北平郡。注。莽曰平虜。

信成

西漢書地

理志信成。注張甲河首受屯氏別河。東北至菑入漳水。縣名屬清河郡。

郃成

西漢書地理志郃成。注侯國。莽曰郃成。縣名屬山陽

郃成

舊唐書地理志隋陽城縣武德四年割陽城嵩陽陽翟置康城縣。又置嵩州治陽城。貞觀元年割陽翟隸許州。三年省

嵩州及康城縣以陽城嵩陽屬洛州。登封元年將有嵩山改為告成縣。

成州

五代史職方考成州粟亭。後唐置。

永樂大典卷之八千二十三

永樂大典卷之八千二十四

十九庚

成

詩文

廣成頌廣成頌者漢南郡太守馬融之所作也。是時鄧太后臨朝。騰兄弟輔政。而俗儒世士。以謂文德可興。武功宜廢。遂寢蒐

狩之禮。息戰陳之法。故猾賊從橫。乘此無備。融乃感激。以為文武之道。聖賢不墜。五才之用。無或可廢。元初二年。上廣成頌以諷諫云。臣聞孔子

曰。奢則不遜。儉則固。奢儉之中。以禮為界。是以蟋蟀山樞之人。並刺國君。諷以大康。馳驅之節。夫樂而不荒。憂而不困。先王所以平和府藏。願養精

神。致之無疆。故憂擊鳴球。載於虞謨。吉日車攻。序於周詩。聖主賢君。以增盛美。豈徒為奢淫而已哉。伏見元年己未。遭值危運。陛下戒懼災異。躬自

菲薄。荒棄禁苑。廢弛樂懸。勤憂潛思。十有餘年。以過禮數。重以皇太后體唐堯親九族。薦睦之德。陛下履有虞烝烝之孝。外舍諸家。每有憂疾。聖恩

普勞。遣使交錯。稀有曠絕。時時寧息。又無以自娛樂。殆非所以逢迎大和。裨助萬福也。臣愚以為。雖尚頗有蝗蟲。今年五月以來。雨露時澍。祥應將

至。方涉冬節。農事間隙。宜幸廣成。覽原隰。觀宿麥收藏。因講武校獵。使寮庶百姓復覩羽旄之美。聞鍾鼓之音。歡嬉喜樂。鼓舞疆畔。以迎和氣。招致休慶。小臣螻蟻。不勝區區。職在書籍。謹依舊文。重述蒐狩之義。作頌一篇。并封上。淺陋鄙薄。不足觀省。臣聞昔命師於鞬橐。偃伯於靈臺。或人嘉而稱焉。彼固未職。夫雷霆之為天常。金革之作昏明也。自黃炎之前。傳道罔記。三五以來。越可略聞。且區區之鄆郊。猶廓七十里之圃。盛春秋之苗。詩詠圓草。樂奏騶虞。是以大漢之初基也。宅茲天邑。總風雨之會。交陰陽之和。揆厥靈囿。營于南郊。徒觀其垺場區宇。恢胎曠蕩。顛夏勿岡。寒豁鬱決。聘望千里。天與地莽。於是周陟環瀆。右轡三塗。左概嵩嶽。面擬衡陰。箕背王屋。浸以波滂。夤以榮洛。金山石林。殷起乎其中。峨峨磴磴。鏘鏘唯唯。隆穹槃回。嵬峩錯崔。神泉側出。丹水涅池。怪石浮磬。燿焜于其陂。其土毛則摧牧薦草。芳茹甘荼。芘其芸菹。昌本深蒲。芝蒨莖苴。藁荷芋渠。柱荏鳧葵。格非蒞于。其植物則玄林包竹。藩陵蔽京。珍林嘉樹。建木叢生。椿梧栝栢。柞柳楓楊。豐彤對蔚。峯頽摻爽。翕習春風。含津吐榮。鋪于布瀼。唯扈鞋榮。惡可殫形。至于陽月。陰慝害作。百草畢落。林衡戒田。焚萊柞木。然後舉夫網。頓八紘。孳斂九藪之動物。縹橐四海之飛征。鳩之乎茲圃之中。山敷雲

移。群鳴膠膠。鄙駭譟譟。子野聽聳。離朱目眩。隸首策亂。陳子籌昏。於時營
 圍恢廓。充斥川谷。罟置羅罽。彌綸阡澤。臯牢陵山。校隊案部。前後有屯。甲
 乙相伍。戊己為堅。乘輿乃以吉月之陽朔。登于䟽鏤之金路。六驕驥之玄
 龍。建雄虹之旌夏。揭鳴鳶之脩幢。曳長庚之飛鬣。載日月之大常。棲招搖
 與玄弋。注枉矢於天狼。羽毛紛其彭馳。揚金爰而拋玉瓌。屯田車於平原。
 播同徒於高岡。旃旒摻其如林。錯五色以摘光。清氛埃。掃野場。誓六師。搜
 雋良。司徒勒卒。司馬平行。車攻馬同。教達戒通。伐咎鼓。撞華鍾。獵徒縱。赴
 椿叢。徽嬖霍奕。別驚分奔。騷擾聿皇。往來交舛。紛紛回回。南北東西。風行
 雲轉。凶磔隱訇。黃塵勃滂。闇若霧昏。日月為之籠光。列宿為之翳昧。傑狡
 課才。勁勇程氣。狗馬角逐。鷹鷗競鷲。驍騎旁佐。輕車橫厲。相與陸梁。聿皇
 于中原。綃猊踈鏃。持眉脰完。羝搗介鮮。散毛族。拈羽群。然後飛鋌電激。流
 矢雨墜。各指所質。不期俱殪。竄伏扔輪。發作梧韉。殺及狂擊。頭陷顛碎。獸
 不得殽。禽不得瞥。或夷由未殊。顛狽頓質。蝮蟬蟬。充衢塞隧。葩華蒞布。
 不可勝計。若夫鷲獸殺蟲。倨牙黔口。大匈哨後。緼巡歐紆。負隅依阻。莫敢
 嬰禦。乃使鄭叔。晉婦之徒。朕孤剗刺。裸袒冒楸。拓搯棘枳。窮浚谷底。幽懈
 暴斥。虎搏狂兇。獄齧熊挾。封豨或輕。諛越悍瘦。䟽萋領犯。歷嵩巒。陵喬松。

履脩補。踔趨枝。杪標端。尾蒼雌。椅玄援。木產盡。寓屬單。罕罔合部。罽弋同
曲。類行竝。驅星布。麗屬曹。伍相保。各有分局。矰婆飛流。織羅絡縹。遊雉群
驚。晨鳧輩作。翬然雲起。雪爾乃藐觀高蹈。改乘回轅。沂恢方。撫馮夷。策句
芒。超荒忽。出重陽。厲雲漢。橫天潢。導鬼區。徑神場。詔靈保。召方相。驅厲疫。
走域祥。捐罔兩。拂游光。枷天狗。縹墳羊。然後緩節舒容。裴回安步。降集波
蘓。川衡澤。虞矢魚。陳畧茲。飛宿沙。田開古蟲。翬終葵。揚關斧。判重水。撥蟄
戶。測潛鱗。踵介旅。逆獵湍瀨。濟薄汾撓。淪滅潭淵。左挈夔龍。右提蛟鼉。春
獻工鮪。夏薦鼈黿。於是流覽徧照。殫變極態。上下究竟。山谷蕭條。原野嶸
嶸。上無飛鳥。下無走獸。虞人植旂。獵者効具。車弊田罷。旋入禁園。棲遲乎
昭明之觀。休息乎高光之榭。以臨乎宏池。鎮以瑤臺。純以金堤。樹以蒲柳。
被以綠莎。瀆養沆漈。錯紵槃委。天地虹洞。罔無端涯。大明生東。月朔西陲。
乃命壺涿。驅水蠱。逐罔螭。滅短狐。籍鯨鯢。然後方餘皇。連舫舟。張雲帆。施
蜺幃。靡颺風。陵迅流。發擢歌。縱水謳。滢魚出。著蔡浮。湘靈下。漢女游。水禽
鴻鵠。鴛鴦。鷗鷺。鷓鴣。鷺鷥。鷺鷥。乃安斯寢。戢翮其涯。魴鱖。鱠鱖。鯉
鱗。鮓。樂我純德。勝踊相隨。雖靈沼之白鳥。孟津之躍魚。方斯蔑矣。然猶詠
歌於伶蕭。載陳於方策。豈不哀哉。於是宗廟既享。庖厨既充。車徒既簡。器

械既攻。然後擺牲班禽。於賜犒功。群師疊伍。伯校千重。山巘常滿。房俎無空。酒正案隊。膳夫巡行。清醪車湊。燔炙騎將。鼓駭舉爵。鍾鳴既觴。若乃陽阿哀斐之晉制。闐鼃華羽之南音。所以洞蕩勾臆。發明耳目。䟽越蘊愔。駭恫底伏。鏗鏘鎗鎗。奏于農郊。大路之衢。與百姓樂之。是以明德曜乎中夏。威靈暢乎四荒。東鄰浮巨海而入享。西旅越葱嶺而來王。南徼因九譯而致貢。朔狄屬象胥而來同。蓋安不忘危。治不忘亂。道在乎茲。斯固帝王之所以曜神武而折遐衝者也。方今大漢收功於道德之林。致平於仁義之淵。忽蒐狩之禮。闕槃虞之佃。闇昧不覩。日月之光。聾昏不聞。雷霆之震。于今十二年為日久矣。亦方將刊禁臺之秘藏。發天府之官常。由質要之故業。率典刑之舊章。采清源。嘉岐陽。登俊傑。命賢良。舉淹滯。拔幽荒。察滯侈之華譽。顧介特之實功。聘畎畝之群雅。宗重淵之潛龍。乃儲精山藪。歷思河澤。目矚鼎俎。耳聽康衢。營傳說於胥靡。求伊尹於庖厨。索膠鬲於魚鹽。聽甯戚於大車。俾之昌言。而宏議軼越三家。馳騁五常。悉覽休祥。總括群瑞。遂棲鳳凰於高梧。宿麒麟於西園。納焦僥之珍羽。受王母之白環。永道遙乎宇內。與二儀乎無疆。貳造化於后土。參神施於昊乾。超特達而無儔。煥巍巍而無原。豐千億之子孫。歷萬載而永延。禮樂既闋。比轅反旆。至自新

城皆伊闕。及洛京。宋李忠定公集議責成狀。臣竊以廢覈實之政。捨久任之法。而欲事功之成。雖堯舜有所不能。故唐虞之際。三載考績。三考黜陟。幽明以繇。治水。至於九載。績用弗成。然後竄殛加焉。此所以允釐百工。而度績咸熙也。今以州縣之間。任一官。效一職者。數改易之。猶不足以爲治。况於朝廷之上。艱難多故之秋。而欲收功於旬月之間哉。以靖康一歲。中考之。宰相易者七人。自知樞密院事。至簽書樞密院易者二十餘人。宣撫制置使副易者十五人。進退將帥大臣。未有如是之速者。是以措置施設。議論取捨。人各不同。先後舛逆。首尾衡決。紛然無所適從。至其甚也。大臣莫肯任事。而坐觀勝負者。攘臂於其間。反爲得策。故其禍變不可勝道。且以今人觀之。自用兵以來。其謀議任用之人。亦嘗有所改易否乎。所謂黏罕幹離不者。皆握兵十餘年。其威信足以用其衆。而吾驟進亟罷之。將帥大臣當之。宜乎不能取勝也。譬猶奕者置棋不定。不足以勝敵。况於用人不知信任之道。而欲撥亂反正。以捍大患。以圖中興。豈可得哉。伏望陛下於選任將帥大臣之際。精加考擇。得其人則久任。而責成功。勿爲細故之所搖。勿爲小人之所間。則天下之事。庶乎可爲也。元李庭寓庵集故嵩州安撫使成公墓表。孝莫大於顯親。此前哲之格言也。蓋人子有不幸。

城皆伊闕。及洛京。宋李忠定公集議責成狀。臣竊以廢覈實之政。捨久任之法。而欲事功之成。雖堯舜有所不能。故唐虞之際。三載考績。三考黜陟。幽明以鯨治水。至於九載績用弗成。然後竄殛加焉。此所以允釐百工。而度績咸熙也。今以州縣之間。任一官。效一職者。數改易之。猶不足以爲治。况於朝廷之上。艱難多故之秋。而欲收功於旬月之間哉。以靖康一歲中考之。宰相易者七人。自知樞密院事。至簽書樞密院易者二十餘人。宣撫制置使副易者十五人。進退將帥大臣。未有如是之速者。是以措置施設。議論取捨。人各不同。先後舛逆。首尾衡決。紛然無所適從。至其甚也。大臣莫肯任事。而坐觀勝負者。攘臂於其間。反爲得策。故其禍變不可勝道。且以今人觀之。自用兵以來。其謀議任用之人。亦嘗有所改易否乎。所謂黏罕幹離不者。皆握兵十餘年。其威信足以用其衆。而吾驟進亟罷之。將帥大臣當之。宜乎不能取勝也。譬猶奕者置棋不定。不足以勝敵。况於用人不知信任之道。而欲撥亂反正。以捍大患。以圖中興。豈可得哉。伏望陛下於選任將帥大臣之際。精加考擇。得其人則久任而責成功。勿爲細故之所搖。勿爲小人之所間。則天下之事。庶乎可爲也。元李庭寓庵集故嵩州安撫使成公墓表。孝莫大於顯親。此前哲之格言也。蓋人子有不幸。

不能終養其親。而於既歿之後。撫親之功。實行義懇。求當世立言之士。發揚論撰。著之金石。傳於後世。使不與草木俱腐。以自慰其疇昔養親不足之心。亦可尚也已。長安成氏子。幼從予遊。年甫其冠。而喪其父。自痛生之晚。而親沒之亟。不獲伸於終養之志。故然哀經之中。拳拳求予文。以表其墓。拒之再三。而請益堅。為之銘曰。火辰暉輝。金祚終。中原鹿走。兵叢叢。公乘其時起。蒿蓬。手提長劔。隨元戎。指麾萬騎。疾於風。剪除強梗。蘇疲瘞。捷書飛報。達九里。玉麟剖符。酬雋功。祀人一夕。憂天崩。簣土莫障。洪流東。運開朔野。飛真龍。四方豪傑。如雲從。老鵬垂翅。倦搏空。一枝甘與鷓鴣同。人以富貴災厥躬。知止不殆。孰如公。年登八秩。資用充。奉祀有子。續其宗。天之報施。亦已豐。樂遊原。西卜幽宮。高墳前。直終南。峯鑄詩。翠琰傳。無窮。陳氏家塾。醵隅子。歛歛瑣微論。天生萬彙。為茲人用。紛紜交蔓。將焉救之。有條有綱。統宗會元。故作文成篇。醵隅子曰。文成而道存。道存而事協。事協而功易。有不由於此者。猶捨舟而渡淵。其能濟乎。嗚呼。順道而不順人者。少矣。順人而不順道者。衆矣。醵隅子曰。弗人斯人之行也。邈邈而心遠。臨利而忘親。膚思而腹怨。或問成人。醵隅子對曰。脩爾三至。宗爾五反。曰。何謂三至。曰。惠不在大。以赴人之急。為至。言不在勝。以破時之感。為至。行

不在元。以鎮時之俗為至。何謂五反。曰。時未遇。則反之於命。眾未尊。則反之於德。俗未附。則反之於信。名未光。則反之於道。功未著。則反之於力。或者譽人於子曰。彼之道不其至歟。輦隅子復之曰。吾昔臨於溪澗沼沚。見其泉清源泚。欲狎而玩之。及臨乎江河淮漢。見其巨浪滔天。則慄然有畏之之色。至於弗至。則吾弗知之矣。或問子貢之辨與蘇張為孰愈。輦隅子對曰。義存魯國。則子貢之力也。治利六王。則蘇張之術已。辨與不辨。則吾弗知之矣。輦隅子曰。女不耻其身之不正。而耻其色之不偶。士不耻其才之不充。而耻其祿之不厚。亦不思之甚矣。輦隅子曰。君子之於已也薄矣。其於人也厚矣。小人之於藝也廉矣。其於人詳矣。輦隅子曰。猛虎不傷其類。而傷其非類。謗者不聞於自己。而聞於他人也。輦隅子曰。君子哉。報德不報怨。先踈而後親。先危而後安。或問堯舜之壽考。生民之壽考耳。又曰。漢之黨錮曰非。人實黨錮而主之自錮也。嗚呼。囚道德。械忠信。適足以殄絕。不亦悲乎。輦隅子曰。秦漢而下。才不必於朝廷。道不謀於草野。此生民所以未乂也。輦隅子曰。大偽若真。大邪若正。大私若公。大害若利。聖人不啓人以為賊。而奸人迹聖人以為賊。輦隅子曰。生不能仁人。死不遇明主。亦士之恥也。或問出處之道。輦隅子曰。民不富。士不榮。君不勝。國不壯。勃

抄

不能終養其親。而於既歿之後。撫親之功。實行義懇。求當世立言之士。發揚論撰。著之金石。傳於後世。使不與草木俱腐。以自慰其疇昔養親不足之心。亦可尚也已。長安成氏子。幼從予遊。年甫其冠。而喪其父。自痛生之晚。而親沒之亟。不獲伸於終養之志。故然哀經之中。拳拳求予文。以表其墓。拒之再三。而請益堅。為之銘曰。火辰暉輝。金祚終。中原鹿走。兵叢叢。公乘其時起。蒿蓬。手提長劔。隨元戎。指麾萬騎。疾於風。剪除強梗。蘇疲瘞。捷書飛報。達九里。玉麟剖符。酬雋功。祀人一夕。憂天崩。簣土莫障。洪流東。運開朔野。飛真龍。四方豪傑。如雲從。老鵬垂翅。倦搏空。一枝甘與鷓鴣同。人以富貴災厥躬。知止不殆。孰如公。年登八秩。資用充。奉祀有子。續其宗。天之報施。亦已豐。樂遊原。西卜幽宮。高墳前。直終南。峯鑄詩翠琰。傳無窮。陳氏家塾。醵隅子。歛歛瑣微論。天生萬彙。為茲人用。紛紜交蔓。將焉救之。有條有綱。統宗會元。故作文成篇。醵隅子曰。文成而道存。道存而事協。事協而功易。有不由於此者。猶捨舟而渡淵。其能濟乎。嗚呼。順道而不順人者。少矣。順人而不順道者。衆矣。醵隅子曰。弗人斯人之行也。邈邈而心遠。臨利而忘親。膚思而腹怨。或問成人。醵隅子對曰。脩爾三至。宗爾五反。曰。何謂三至。曰。惠不在大。以赴人之急。為至。言不在勝。以破時之感。為至。行

然而耻者。三代之人。馬飽於道。醉於德。冠於仁。履於義。覃然而宅善者。五帝之人也。非五帝之人。靜而三王之人。躁蓋君子之時行矣。聲隅子曰。堯

舜不以天下量其位。而以天下量其德。桀紂不以天下量其德。而以天下量其欲。或曰。有金張之貴。玉石之富。守之以理。義何如。曰。可也。未若滌道

以貴。而貴足尚。知道以富。則富有餘。唐杜工部詩。漫成詩。三首。野日荒荒白。春流泯泯清。渚蒲隨地有。村逕逐門成。只作披衣憤。常從漉酒生。眼邊無

俗物。多病也。身輕。江臯已仲春。花下復清晨。仰面貪看鳥。回頭錯應人。讀書難字過。對酒滿壺頻。近識峨眉老。知余懶是真。江月去人只數尺。

風燈照夜欲三更。沙頭宿鷺聯拳靜。船尾跳魚撥刺鳴。岑參詩。鳳翔府行軍送程君赴成州。程侯新出守。好日發行軍。拜命時人羨。能官聖主聞。

江樓黑塞雨。山郭冷秋雲。竹馬諸童子。朝朝待使君。錢起詩。偶成詩。含臺意不淺。微月上簾櫳。門靜吏人息。心閑囹圄空。繁星入疎樹。驚鵲倦秋

風。始覺牽卑劇。宵眠亦在公。李商隱詩。漫成詩。不妨何范盡詩家。未解當年重物華。遠把龍山千里雪。將來擬並洛陽花。沈約憐何遜。延年毀

謝莊。清新俱有得。名譽底相傷。霧夕詠芙蓉。何郎得意初。此時誰最賞。沈范兩尚書。沈宋裁辭矜變律。王楊落筆得良朋。當時自謂宗師妙。今

日唯觀對屬能。李杜操持事略齊。三才萬象總端倪。集僊殿與金鑾殿。
可是蒼蠅惑曙雞。生兒古有孫征虜。嫁女今無王右軍。借問琴書終一
世。何如旗蓋仰三分。代北偏師銜使節。關東裨將建行臺。不妨常日饒
輕薄。且喜臨戎用草萊。郭令素心非黷武。韓公本意在和戎。兩都耆舊
偏垂淚。臨老中原見朔風。宋王安石臨川集詩。文成五利老紛紛。方丈
蓬萊但可聞。言方士之虛誕神仙。但可聞不可見。萬里出師求寶馬。飄然
空有志凌雲。李斯傳。公子高上言。中廐之寶馬。臣得賜之。大宛之役。耗竭
中國最甚。公言武帝殺人之多。乃徒有欲仙之意。蓋譏之也。神宗嘗曰。漢
武帝至不仁。以一馬之故。勞師萬里。侯者七十餘人。視人命如草芥。此天
下戶口所以減半也。人命至重。天地之大德曰生。豈可如此。宋景文公集
偶成詩。不用真如鼠。胡瞻亦有鶉。田園未歸客。天地一畸人。京邑風霜
苦。江鄉薇蕨春。可能逃鬼笑。長送左朱輪。漫成。日烈花休樹結陰。紅
牙貪得萬黃金。伯松不學陳遵飲。為識鴟夷是酒箴。詩海繪章劉景文偶
成詩。每過揚子宅。時醉庾公樓。黃鵠雲霄志。白蘋江海流。讀書非世用。
種樹是吾謀。自識文章貴。多尋瀟洒侯。孔武仲詩偶成。翦斷長翎入網
羅。十年光景怨蹉跎。欲提長劍為游說。且卧空山學揣摩。砧杵夜寒醒醉

夢風霜秋緊後。詩魔不須計校。當時事。黃卷書中寵辱多。陳古靈詩和運使兵部秋成。重湖收積潦。多稼結盈疇。貸息移書減。逋租案籍求。民情寬感頰。歲計上叅謀。寄語昆堂老。生初早晚修。夏文莊公集御製恭謝天地禮成。元真密誨唯疇德。耀魄靈猷務降衷。僊里肇禋尊妙道。國陽嚴

配報層穹。百神右序儲蕃祉。群后寅威仰聖風。聲震山淵踰日際。澤流根葉徧區中。考熙茂範登虞舜。積累遙源屬帝鴻。柔遠九垓書軌混。凝休千載地天通。賡歌紫禁唐文盛。第頌青緗漢德融。盛業巍巍心翼翼。古今能事集皇躬。蘇穎濱集西成。野老端相慶。西成僅十分。寒來多讓酒。客

過預留饋。近事姑求飽。遠憂要浪聞。一壺真有理。終日得醺醺。偶成。

年來衰病正相兼。薄宦奔馳尚未厭。詩句空多渾漫興。俗緣已重不須添。聳牙向物知難合。踈懶憐公猶未嫌。時聽淵明詠歸去。猶應為我故遲淹。曾鞏元豐類藁偶成。結交謂無嫌。忠告期有補。直道詎非難。盡言竟多

迂。知者尚復然。悠悠誰可語。江湖前集鄭介夫謾成。衲帽麻衣君勿輕。有如華袞貴難名。人須自力方能立。事若無誠斷不成。倚物蔓條終嫩脆。冒霜寒栢始堅貞。男兒一幅黃金骨。莫學伊阿浪死生。鄭俠西塘集漫成。琴雖古意元無取。詩近虛名亦懶吟。不是將心就無事。都緣無事可關

心。風送微涼來小戶。月回清影向疎窻。不知人世何珍麗。可與詩書氣味
雙。綦崇禮北海集漫成。生平雅志在林溪。故里塵昏未定棲。晚向瓊臺

諧問舍。喜當淮塞罷鳴鞞。出郊賸喜園亭勝。策杖應須酒榼携。隨意一觴
兼一詠。醉言無次亦無題。書迷今古懶不讀。搏列聖賢時一中。顧我本

無當世志。愛君真有古人風。賜環忽恐歸期促。放盞常嗟樂事空。山鹿野
麋便茂草。鳳凰終合止梧桐。劉龍雲先生集安成道中作。六首。故家楚尾

隣三湘。粗有晴地麻與桑。利機未判身輕嘗。在涯寄將一葉上。歸釣頰尾
秋滄浪。翠篠娟娟接暗芳。半隱半見誰門墻。分曹戲兒疑鴈行。今我垂

垂老景逼。竹馬鳩車憐汝狂。波面擲鱗銀作刀。波裏陟鰲紛暗毛。清秋
駛舫吳兒操。會待長風十萬里。躍入雲海翻驚濤。愚智紛紛同一朽。翦

斷愁根莫如酒。誰是瓢齋不離手。但令秋秫登我場。不應他日羞牛後。
新里當南義櫪北。一水中飛抹山帛。吳歆楚俚愁征客。十年仍作嚙噬遊。

羞拾靈棋問通塞。酸然軟雨吹空濛。忽掛萬丈橫霄虹。陰晴回互倏翕
中。由來天意不可測。惜哉庶物終鞠窮。張文潛詩偶成詩。官事一酒甕。

寢齋低竹簷。朝昏睡過半。老病醉相兼。樓晚雙旗裊。城昏疊鼓嚴。隔江吹
笛處。空碧貼新蟾。鳥啼宮直散。歸舍日猶長。暗樹殘春綠。回風欲丙涼。

又知癡有絕。端為酒成。怍。可是嘲須解。平生一漫郎。綠遍長安樹。春歸空隔年。愁多落花地。情遠倚樓天。河漢崑崙外。蒼龍北極邊。老知玄有味。

羞更賦

神仙。

成氏

千家姓成 商 上谷羅泌路史高辛氏紀。成氏高辛氏之後。古今姓纂姓纂周文王第五子成叔之後。子孫以國為氏。後為

楚所滅。子孫去邑為成。成肅公。桓公。並為周卿士。左傳楚大夫成得臣。若敖叔也。成大心。成熊。並其後也。左傳僖二十六年。夔子不祀。祝融。楚成

得帥師滅夔。定八年。晉師將盟。衛侯於專澤。趙簡子曰。群臣誰敢盟者。成何曰。我能盟之。成十三年。劉庸公。成肅公。會晉侯伐秦。文五年。成大心帥

帥滅六。姓氏。遙華廣陵。上谷弘農。姓苑。周文王第三子封成。為成伯。成肅公。桓公。入為周卿士。楚滅邲。子孫去邑為氏。漢複姓十五氏。莊子

有務成。廣成。顏成子游。伯成子高。韓子有容成。列子有考成。晉卻犇。食采苦成。苦成叔。宋大夫老成方。盆成括仕齊。晉英

成僖子。漢古成雲。廣漢太守。高祖功臣陽成延。後漢上成公。白日升天。晉車成將為戊己校尉。古成氏後也。史記有形成氏。是為複姓。

成得臣。楚大夫子玉。僖二十三年傳。成大心。帥師滅六。文五年。成肅公會。晉侯伐秦。成十三年。成覲。孟子。成封。東漢儒林傳。千姓編。周文王成叔之後。漢南太守成瑨。望書出上谷。廣陵亦有邴姓同。古今姓氏辨證出自芊姓。楚若敖之孫。令尹得臣。字子玉。以王父字為氏。得臣生大心。字孫伯。及子西。子孔。名嘉。與孫伯皆為令尹。其後成虎。字熊。為大夫。裔孫散仕他國者。周以為大夫。成愆。秦成差。宋成謹。晉成何。成鱒。是也。漢成雄居上谷縣。美。後周常山公。唐中書令。成汭。五代有軍將成美。謹按春秋時。周魯皆為成邑。當時大夫之食其邑者。未必不以為氏。芊姓成氏。自玉孫伯而下。皆以名顯諸侯。後嗣又不乏人。則玉父字為氏。在理不疑。而周大夫。宜亦楚人之裔也。

成荆

史記范雎傳。成荆勇焉而死。成荆古勇士。

成慶

西漢書廣川惠王傳。殿門有成慶。畫短衣大袴長劍。晉灼曰。成慶。荆軻也。衛人謂之慶卿。燕人謂之荆軻。師古曰。成慶。古之勇

士也。事見淮南

子。非荆卿也。

成方

西漢書雋不疑傳。夏陽人。姓成名方。詐為衛太子。

成信

史記酷吏傳。王溫舒為河內大守。郡中毋敢夜行。野無犬吠之盜。天子聞之。以為能。遷為中尉。其治復放河內。徙諸名禍猾吏。

與從事關中。楊贛成信等。減宣為右扶風。坐怨成信。駟案。漢書意我曰成信。宣吏信亡藏上林中。宣使郡令格殺信。

成得臣

蘇子由古史陳世家。十一年。楚成得臣伐我。取焦夷城頓。

成瑁

元一統志成瑁。弘農人。以清名見知。舉孝廉。拜郎中。遷漢南太守。舊多豪強。中官盤牙境上。瑁下車。振威嚴。以檢攝之。漢桓帝

中官貴人。外親張子禁。怙貴不法。功曹岑。暄勸使捕之。付獄。笞殺之。桓帝徵瑁獄死。

成翊世

元一統志成翊世。字季明。平原人。為郡吏。少好學。深明道術。東漢延光中。常侍樊豐。帝乳母王聖。共譖太子廢為濟

陰王。翊世上書訟之。又言王聖。樊豐。誣罔狀。帝不從。而豐等又陷以重罪。下獄當死。有詔免官歸本郡。及濟陰王立。是以順帝。司空張皓。以翊世前

永樂大典卷之三十四
訟太子之廢。薦為議郎。翊世自以其功不顯。耻受任。自劾歸。三公比辟不應。尚書虞翊雅重。將引與共參朝政。乃上書薦之。徵為議郎。後尚書尤雄等復舉為尚書。在朝正色。百僚敬之。

成公英

東漢書成公英傳。成公英者金城人。中平末。隨韓遂謀議軍事。建安中。遂自華陰破走還湟中。部黨散去。惟英獨從。

其督閭行欲殺遂。以降。夜攻遂不克。遂歎曰。丈夫困厄。禍起婚姻乎。謂英曰。今親戚離叛。人眾轉少。當從羌中。西南詣蜀爾。英曰。舉事數十年。今雖罷敗。何有自棄巢窟而依人乎。遂曰。吾年老矣。子欲何施。英曰。曹公不能遠來。獨夏侯爾。夏侯之眾。不足以追我。又不能久留。且息肩於羌中。以須其去。招呼故人。綏會羌胡。猶可有為也。遂從其言。時眾尚數千人。遂宿有恩於羌胡。羌胡衛護之。及夏侯淵還。使閭行留後。乃合羌胡數萬將攻行。行欲走。會遂死。英降操。操見之甚喜。以為軍師。封列侯。從行出獵。有三鹿過前。操命射之。三發皆中。應弦而斃。操抵掌笑曰。但韓文約可為盡節。而孤獨不可乎。英下馬跪曰。不欺明公。假使英主人在。實不來也。遂流涕哽噎。操嘉其忠。益親敬之。魏黃初初。河西復亂。遣英佐涼州平隴右。病卒。

成淹

魏書成淹字季文。上谷居庸人也。自言晉侍中蔡之六世孫。祖昇家於北海。父洪名。犯顯祖廟諱。仕劉義隆為撫軍府中兵參

軍。早卒。淹好文學。有氣尚。劉子業輔國府刑獄參軍事。劉或以為負外郎。假龍驤將軍領軍主令。援東陽歷城。皇興中。降慕容白曜。赴闕。授兼著作。即時顯祖於仲冬之月欲巡漠北。朝臣以寒甚固諫。並不納。淹上接輿釋遊論。顯祖覽之。詔尚書李訢曰。卿等諸人。不如成淹論。通釋人意。乃勅停行。太和中。文明太后崩。蕭贖遣其散騎常侍裴昭明。散騎侍郎謝竣等來弔。欲以朝服行事。主客執之云。弔有常式。何得以朱衣入山庭。昭明等言。本奉朝命。不容改易。如此者數四。執志不移。高祖勅尚書李冲。令選一學識者更與論執。冲奏遣淹。昭明言未解。魏朝不聽朝服行禮。義出何典。淹言吉凶不同。禮有成數。玄冠不弔。童孺共聞。昔季孫將行。請遭喪之禮。千載之下。猶共稱之。卿遠自江南奉慰。不能式遵成事。方謂議出何典。行人得失。何其異哉。昭明言。二國交和既久。南北皆須準望。齊高帝崩。魏遣李彪通弔。於時初不素服。齊朝亦不以為疑。那得苦見要逼。淹言。彪通弔之日。朝命以弔服自隨。而彼不遵高宗追遠之慕。乃踰月即吉。彪行弔之時。齊之君臣皆已鳴玉盈庭。貂璫曜日。百寮內外。朱服煥然。彪行人不被主

人之命。復何容獨以素服閒衣冠之中。來責雖高。未敢聞命。我皇帝仁孝之性。侔於有虞。處諒闇以來。百官聽於冢宰。卿豈得以此方彼也。昭明乃搖膝而言。三皇不同禮。亦安知得失所歸。淹言。若如來談。卿以虞舜高宗為非也。昭明遂相顧而笑曰。非孝者。宣尼有成責。行人亦弗敢言。希主人裁以弔服。使人唯齋袴褶。比既戎服。不可以弔。幸借緇衣帽以申國命。今為魏朝所逼。違負指授。還南之日。必得罪本朝。淹言。彼有君子也。卿將命折中。還南之日。應有高賞。若無君子也。但今有光國之譽。雖復非理見罪。亦復何嫌。南史董狐自當直筆。既而高祖遣李冲問淹。昭明所言。淹以狀對。高祖詔冲曰。我所用得人。仍勅送衣帽給昭明等。賜淹果食。明旦引昭明等入。皆令文武盡哀。後正侍郎。高祖以淹清貧。賜絹百疋。十六年。蕭贖遣其散騎常侍庾萼。散騎侍郎何憲。主書邢宗慶朝貢。值朝廷有事。明堂因登靈臺以觀雲物。高祖勅淹引萼等館南矚望行禮。事畢。還外館。賜酒食。宗慶語淹言。南北連和既久。而比棄信絕好。為利而動。豈是大國善隣之義。淹言。夫為王者。不拘小節。中原有菽。工採者獲多。豈春春守尾生之信。且齊先主歷事宋朝。荷恩積世。當應便爾欺奪。宗慶庾萼及行者皆相顧失色。何憲知淹昔從南入。而以手掩目曰。卿何為不作于禁。而作魯蕭。

淹言我捨危効順。欲追蹤陳韓。何于禁之有。憲亦不對。王肅歸國也。高祖以淹曾宦江表。詔觀是非。乃造肅與語。還奏言。實時議紛紜。猶謂未審。高祖曰。明日引入我與語。自當知之。及鑾輿行幸。肅多扈從。勅淹將引。若有古跡。皆使知之。行到朝歌。肅問此是何城。淹言紂都朝歌城。肅言故應有殷之頑民也。淹言昔武王滅紂。悉居河洛中。因劉石亂華。乃隨司馬東渡。肅知淹寓於青州。乃笑而謂淹曰。青州間何必無其餘種。淹以肅本隸徐州。言青州本非其地。徐州間今日重來。非所知也。肅遂伏馬上掩口而笑。顧謂侍御史張思寧曰。向者聊因戲言。遂致辭溺。思寧馳馬奏聞。高祖大悅。謂彭城王勰曰。淹此段足為制勝。輿駕至洛。肅因侍宴。高祖戲肅曰。近者行次朝歌。聞成淹共卿殊有往覆。卿試重叙之。肅言臣前朝歌為淹所困。不謂此事仰聞聽覽。臣爾日失言。一之已甚。豈宜再說。遂皆大笑。高祖又謂肅曰。淹能制卿。其才亦不困。肅言淹才詞便為難有。聖朝宜應叙進。高祖言若因此進淹。恐辱卿轉甚。肅言臣屈已達人。正可顯臣之美。高祖曰。卿既為人所屈。欲求屈已之名。復於卿太優。肅言淹既蒙進。臣得屈已伸人。此所謂陛下惠而不費。遂酣笑而止。乃賜淹龍廐上馬一疋。并鞍勒宛具。朝服一襲。轉謁者僕射。時遷都。高祖以淹家無行資。勅給事力送至

洛陽并賜假日與家累相隨。行次靈丘。屬蕭鸞遣使勅驛馬徵淹。車駕濟淮。淹於路左請見。高祖竚駕而進之。淹曰。蕭鸞悖虐。幽明同棄。陛下俯應人神。按劔江漢。然敵不可小。蜂蠆有毒。而况國乎。深願聖明保萬全之策。詔曰。此前車之轍。得不慎乎。淹曰。伏發洛已來。諸有諫者解官奪職。恐非聖明納下之義。高祖曰。此是我命耳。卿不得為干斧鉞。淹曰。昔文王詢於芻蕘。晉文聽輿人之誦。臣雖卑賤。敢同匹夫。高祖優而容之。詔賜絹百匹。高祖幸徐州。勅淹與閭龍駒等主舟楫。將汎泗入河。沂流還洛。軍次礮碯。淹以黃河浚急。慮有傾危。乃上疏陳諫。高祖勅淹曰。朕以怕代無運漕之路。故京邑民貧。今移都伊洛。欲通運四方。而黃河急浚。人皆難涉。我因有此行。必須乘流。所以開百姓之心。知卿至誠。而今者不得相納。勅賜驂騑馬一疋。衣冠一襲。除羽林監領主客令。加威遠將軍。于時宮殿初構。經始務廣。兵民材日有萬計。伊洛流澌。苦於厲涉。淹遂啓求勅都水造浮航。高祖賞納之。意欲榮淹於衆。朔旦受朝。百官在位。乃賜帛百匹。知左右二都水事。世宗初。司徒彭城王勰曰。先帝本有成旨。淹有歸國之誠。兼歷官著稱。宜加優陟。高祖雖崩。詔猶在爾。乃相聞。選曹加淹右軍領左右都水。仍主客令。復授驍騎將軍。加輔國將軍。都水主客如故。淹小心畏法。典客十

年。四方貢聘皆有私遺。毫釐不納。乃至衣食不充。遂啓乞外祿。景明三年。出除平陽太守。將軍如故。還朝病卒。贈本將軍。光州刺史。謚曰定。子霄。字景鸞。亦學涉。好為文詠。但詞彩不倫。率多鄙俗。與河東姜質等朋遊。相好。詩賦間起。知音之士。共所嗤笑。閭巷淺識。頌諷成群。乃至大行於世。歷治書侍御史而卒。史臣曰。成淹等身遭際會。俱得効其所能。以至於顯達。苟曰非才。亦何可以致。

成公綏

晉書成公綏字子安東郡白馬人也。幼而聰敏。博涉經傳。性寡欲。不營資產。家貧歲飢。常晏如也。少有俊才。詞賦甚

麗。閑默自守。不求聞達。時有孝烏。每集其廬舍。綏謂有反哺之德。以為祥禽。乃作賦美之。文多不載。又以賦者貴能分賦物理。敷演無方。天地之盛。可以致思矣。歷觀古人。未之有賦。豈獨以至麗無文。難以辭贊。不然。何其闕哉。遂為天地賦曰。惟自然之初載兮。道虛無而玄清。太素紛以溷淆兮。始有物而混成。何元一之芒昧兮。廓開闢而著形。爾乃清濁剖分。玄黃判離。太極既殊。是生兩儀。星辰煥列。日月重規。天動以尊。地靜以卑。昏明迭照。或盈或虧。陰陽協氣。而代謝。寒暑隨時。而推移。三才殊性。五行異位。千變萬化。繁育庶類。授之以形。稟之以氣。色表文彩。聲有音律。履載無方。流

形品物。鼓以雷霆。潤以慶雲。八風翱翔。六氣氤氲。蛟行蠕動。方聚類分。鱗
殊族別。羽毛異群。各含精而鎔冶。咸受範於陶鈞。何滋育之罔極。分偉造
化之至神。若夫懸象成文。列宿有章。三辰燭耀。五緯重光。河漢委蛇。而帶
天。虹蜺偃蹇。於昊蒼。望舒彌節於九道。羲和正轡於中黃。衆星回而環極。
招搖運而指方。白獸峙擗於參伐。青龍垂尾於心房。玄龜匿首於女虛。朱
鳥奮翼於注張。帝皇正坐於紫宮。輔臣列位於文昌。垣屏駱驛而珠連。三
台差池而鴈翔。軒轅華布而曲列。攝提鼎峙而相望。若乃徵瑞表祥。災變
皇異。交會薄蝕。抱暈帶珥。流逆犯歷。譴悟象事。蓬容著而妖害生。老人形
而主受喜。天矢黃而國吉祥。慧孛發而世所忌。爾乃旁觀四極。俯察地理。
川瀆浩汗而分流。山嶽磊落而羅峙。滄海沆漭而四周。懸圃隆崇而特起。
昆吾嘉於南極。燭龍曜於北陲。扶桑高於萬仞。尋木長於千里。崑崙鎮於
陰隅。赤縣據于辰巳。於是八十一域。區分方別。風乖俗異。險斷阻絕。萬國
羅布。九州並列。青冀白壤。荆衡塗泥。海岱赤地。華梁青黎。充帶河洛。揚有
江淮。辯方正土。經畧建邦。王圻九服。列國一同。連城比邑。深池高墉。康衢
交路。四達五通。東至陽谷。西極泰濛。南暨丹炮。北盡崆峒。遐方外區。絕域
殊鄰。人首蛇軀。鳥翼龍身。衣毛被羽。或介或鱗。棲林浮水。若獸若人。居于

41.
大荒之外。處于巨海之濱。於是六合混一而同宅。宇宙結體而括囊。渾元運流而無窮。陰陽循度而率常。回動糾紛而乾乾。天道不息而自彊。統群生而載育。人託命於所繫。尊太一於上皇。奉萬神於五帝。故萬物之所宗。必敬天而事也。若乃共工赫怒。天柱摧折。東南俄其既傾。西北豁而中裂。斷鼇足而續毀。鍊玉石而補缺。豈斯事之有徵。將言者之虛設。何陰陽之難測。偉二儀之奢闊。坤厚德以載物。乾資始而至大。俯盡鑒於有形。仰蔽視於所蓋。游萬物而極思。故一言於天外。綏雅好音律。嘗當暑承風而嘯。冷然成曲。因爲嘯賦曰。逸群公子。體竒好異。敖世忘榮。絕棄人事。希高慕古。長想遠思。將登箕山以抗節。浮滄海以游志。於是延友生。集同好。精性命之至機。研道德之玄奧。愍流俗之未悟。獨超然而先覺。狹世路之阨僻。仰天衢而高蹈。邈跨俗而遺身。乃慷慨而長嘯。于時曜靈俄景。流光濛汜。逍遙攜手。躊躇步趾。發妙聲於丹脣。激哀音於皓齒。響抑揚而潛轉。氣衝鬱而標起。協黃宮於清角。雜商羽於流徵。飄游雲於泰清。集長風于萬里。曲既終而響絕。遺餘玩而未已。良自然之至音。非絲竹之所擬。是故聲不假器。用不借物。近取諸身。後心御氣。動脣有曲。發口成音。觸類感物。因歌隨吟。大而不誇。細而不沉。清激切於竽笙。優潤和於瑟琴。玄妙足以通神。

悟靈精微。足以窮幽測深。收激楚之哀荒。節北里之奢淫。濟洪災於炎旱。反亢陽於重陰。引唱萬變。曲用無方。和樂怡懌。悲傷摧藏。時幽散而將絕。中矯厲而慨慷。徐婉約而優游。紛繁鶩而激揚。情既思而能反。心雖哀而不傷。總八音之至和。固極樂而無荒。若乃登高臺以臨遠。披衣軒而騁望。喟仰忤而抗首。嘈長引而慘亮。或舒肆而自反。或徘徊而復放。或再弱而柔撓。或澎湃而奔壯。橫鬱鳴而滔洄。咧繚眺而清昶。逸氣奮涌。繽紛交錯。烈烈飈揚。啾啾響作。奏胡馬之長思。迴寒風乎北朔。又似鴻鴈之將雛。群鳴號乎沙漠。故能因形創聲。隨事造曲。應物無窮。機發響速。怫鬱衝流。參譚雲屬。若離若合。將絕復續。飛廉鼓於幽隧。猛獸應於中谷。南箕動於穹蒼。清飈振于喬木。散滯積而播揚。蕩埃靄之溷濁。變陰陽於至和。移淫風之穢俗。若乃游崇岡陵。景山臨巖。側望流川。坐盤石。漱清泉。藉臯蘭之猗靡。蔭脩竹之蟬蛸。乃吟詠而發嘆。聲驛驛而響連。舒蓄思之悱憤。奮文結之纏綿。心滌蕩而無累。志離俗而飄然。若夫假象金革。擬則陶匏。衆聲繁奏。若笳若簫。礚礚震隱。訇磕啞嘈。發徵則隆冬熙烝。騁羽則嚴霜夏凋。動商則秋霖春降。奏角則谷風鳴條。音均不恒。曲無定制。行而不流。止而不滯。隨口吻而發揚。假芳氣而遠逝。音要妙而流響。聲激曜而清厲。信自然之

極麗。羌殊尤而絕世。越韶夏與咸池。何徒取異乎鄭衛。于時綿駒結舌而喪精。王豹杜口而失色。虞公輟聲而止歌。甯子歛手而歎息。鍾期棄琴而改聽。尼父忘味而不食。百獸率儻而忤足。鳳凰來儀而拊翼。乃知長嘯之奇妙。比音聲之至極。張華雅重綏。每見其文。歎伏以為絕倫。薦之太常。徵為博士。歷祕書郎。轉丞遷中書郎。每與華受詔並為詩賦。又與賈充等參定法律。泰始九年卒。年四十三。所著詩賦雜筆十餘卷行於世。史臣曰。夫賞好生於情。剛柔本於性。情之所適。發乎詠歌。而感召無象。風律殊製。至於應貞宴射之文。極形言之美。華林群藻。罕或疇之。子安幼稟明敏。少蓄清思。懷天地之寥廓。賦辭人之所遺。特構新情。豈常均之所企。太冲含豪。歷載以賦三都。士安見而稱善。平原覩而韜翰。匪惟高步當年。故以騰華終古。鄒湛之持論。棗據之緣情。實南陽之人傑。蓋潁川之時秀。季雅摛屬道邁。夙備成德。稱為泉岱之珍。固其然矣。彥伯未能混迹光塵。而屈乎卑位。釋時宏論。亦足見其志耳。季鷹縱誕一時。不邀名爵。黃花之什。濬發神府。仲初之女風流可尚。擢秀士林。陽都之美。尤重時彥。曹毗沉研祕籍。踈足下寮。綺靡降神之歌。朗暢對儒之論。李充之學箴。信清壯也。袁宏東征。名臣之作。抑潘陸之亞。玄度學藝優贍。筆削擅奇。降帝問於西堂。故其

榮觀也。君章耀湘中之寶。挺荆楚之材。夢鳥發乎精誠。豈獨日者之蛟鳳。長康矜能過實。譚諧取容。而才多逸氣。故有三絕之目。仲靜機思通敏。延譽清流。德輿西伐之計。取定於微指者矣。贊曰。爰豕垂法。宮徵流音。美哉群彥。揚蕤翰林。俱諧振玉。各擅鏘金。子安太冲。道文綺爛。表庾充愷。縹藻霞煥。架彼辭人。共超清貫。

成公簡

晉書成公簡字宗舒東郡人也家世二千石性朴素不求榮利潛心道味罔有干其志者默識過人張茂先每言簡

清靜比揚子雲默識擬張安世後為中書郎時復已為司隸校尉遷鎮東將軍簡自以才高而在馥之下謂馥曰揚雄為郎三世不徙而王莽董賢位列三司古今一揆耳馥甚慙之官至太子中庶子散騎常侍永嘉末奔苟晞與晞同沒

成景雋

南史成景雋字超范陽人也祖興仕魏為五兵尚書父安樂淮陽太守梁天監六年常邕和殺安樂以城內附景雋

謀復讎因殺魏宿預城主以地南入普通六年邕和為鄱陽內史景雋購人刺殺之未久重購邕和家人鳩殺其子弟雋類俱盡武帝義之每為屈

法景雋家讎既雪。每思報効。後除北豫州刺史。侵魏所向必推其智勇。時以比馬仙理。兼有政績見懷。北豫州吏人樹碑紀德。卒謚曰忠烈云。

成軌

魏書成軌。字洪義。上谷居庸人。少以罪刑入事宮掖。以謹厚稱。除中謁者。僕射高祖意有所欲。軌瞻候容色。時有奏發。輒合帝

心。從駕南征。專進御食。于時高祖不豫。常居禁中。晝衣無懈。車駕還。賜帛百匹。景明中。嘗食典御丞僕射如故。轉中給事中。步兵校尉。勅侍東宮。延

昌末。遷中常侍中。嘗食典御光祿大夫。賜始平伯。統京染都將。轉崇訓太僕少卿。遭母憂。詔遣主書常顯景弔慰。又起為本官。進安東將軍。崇訓衛

尉卿。久之。超遷中侍中。撫軍將軍。典御崇訓如故。尋除中軍將軍。燕州大中正。孝昌二年。以勤舊封始平縣開國伯。食邑三百戶。肅宗所幸潘嬪以

軌為假父。頗為中官之所敬憚。建義初。軌迎於河陰。詔令安慰宮內。進爵為侯。增戶三百。并前六百戶。遷衛將軍。其年八月卒。贈車騎大將軍。雍州

刺史。謚

曰孝惠。

成汭

唐書成汭。青州人。少無行。使酒殺人。亡為浮屠。後入蔡賊中。為賊帥。僖子更姓名為郭禹。當成江陵。亡為盜。保火門山。後詣荆

南節度使陳儒降。署裨校。久之。張瓌囚儒。以禹凶慄。婢少切急也。欲殺之。禹結千人奔入峽。夜有蛇環其所。祝曰。有所負者。死生唯命。既而蛇亡。禹乃襲歸州。入之。自稱刺史。招還流亡。訓士伍。得勝兵三千。秦宗權故將許存奔禹。禹以青州剽匹。妙切。卒三百界之。使討荆南部。將牟權于清江。禽權。取其衆。禹又破其將王建肇。建肇奔黔州。昭宗拜禹荆南節度留後。始改名泖。復故姓。宗權餘黨常厚攻夔州。是時西川節度使王建遣將屯忠州。與夔州刺史毛湘相脣齒。厚屯白帝。泖率存乘二軍之間。攻二軍。使人評蘇對切。告也。辱泖。韓楚言尤劇。泖耻之。曰。有如禽賊。當支解以逞。會存夜斬營。襲厚破之。厚奔萬州。為刺史張造所拒。走綿州。存入夔州。楚言妻李語夫曰。君常辱軍。且支解不如前死。楚言不決。李礪刀席下。方共食。復語之。夫曰。未可知。李取刀斷其首。并殺三子。乃自剄。泖畏其烈。禮葬之。刻石表曰。烈女。即使司馬劉昌美守夔。率存泖江略雲安。建將皆奔。存按兵渝州。盡下瀕江州縣。時王建肇據黔州自守。帝以建肇為武泰軍節度使。泖遣將趙武率存攻之。建肇走。泖乃以武為留後。存為萬州刺史。存不得志。泖遣客伺之。方蹴毬。泖曰。存必叛。自試其力矣。遣將襲之。存夜率左右超堞走。與王建肇皆降於王建。泖頗知吏治。嘗錄囚。盡其情。墊江賊陰殺

令其主簿疑小史導之訊不承臨刑曰我且訟地下踰月吏暴死洎聞益
 詳於獄始治州民版無幾未再暮自占者萬餘帝數詔刻石頌功輒固辭
 時鎮國節度使韓建亦以治顯號北韓南郭洎進累檢校大尉中書令上
 谷郡王雲安推鹽本隸鹽鐵洎擅取之故能畜兵五萬初任賀隱隱賢者
 也故洎所舉少過晚得妻父任之譖害諸子洎皆手殺之至絕嗣禮部本
 荆南隸州為雷滿所據別為節度洎數請之宰相徐彥若不許及彥若罷
 道江陵洎出怨言彥若曰公專一面自視桓文一賊不能取而怨朝廷乎
 洎大慙晚喜術士餌藥瀕死而蘇天復三年帝詔淮南節度使楊行密圍
 鄂州朱全忠使韓勅渠京切救之諷洎與馬殷雷彥威掎舉綺切角洎身
 自將而行下知洎不足亢行密無敢諫惟親吏楊師厚勸之洎為巨艦胡
黠切堂皇悉備行至公安卜不吉欲還師厚曰公舉全軍中道還何以見
 百姓洎乃行彥威潛師略江陵洎諸將念私無鬪志淮南將李神福壁沙
 橋望洎軍曰戰艦雖盛首尾斷絕可取也擊洎君山敗之火其船衆大潰
 洎投江死士民皆為彥威所劫韓勅走還王建遂取夔施忠萬四州天祐
 中全忠表洎死國事請與杜洪皆立廟云

成三朗

唐書成三朗。幽州漁陽人也。光宅年為左豹韜衛長上果毅。李孝逸之討徐敬業。以為前鋒。與賊戰於高郵。官軍敗。

績被擒送于江都。賊黨唐之奇給其衆曰。此是李孝逸也。將斬之。三朗大呼曰。我是果毅成三朗。不是將軍李孝逸。官軍已圍爾數重。破爾在於朝夕。我死。妻子受榮。爾死。家口配沒。終不及我。之奇怒斬之。敬業平。贈左監門將軍。謚曰勇。時曲河令尹元貞亦死。敬業之難。

成知禮

文苑英華唐贈荊州刺史成公神道碑。成氏之先。有周之後。姬文受命。三十八王。邠伯象賢。二十一代。漢之少府。

國家維城。晉之廣揚。王室藩屏。公諱知禮。其先上谷人也。子孫避地徙于

曾祖休寧。後魏汾州刺史。齊特進左右衛大將軍。宇文朝江州刺史。

隋城陽郡公。謚曰武。勲格皇天。澤充區域。該備寵榮。兼包命賜。祖少遐。北

齊民曹郎中。宇文朝地官上士。龍城陽公。建國之屬。以訓五品。以親百姓。

父君綽。隋金紫光祿大夫。唐深州刺史。上柱國。天子大夫。金章紫綬。天王

使者。阜蓋朱輪。公誕保靈和。受茲介福。講之以學。合之以和。純粹以積。其

中。文明以宣。其外。出於口者。必是先王之言行。萌於心者。莫非君子之德。戒

慎乎其所不覩。恐懼乎其所不聞。豈時止時行。左官右徵。在朝濟濟。在家

雍雍祗服弘業。克丕堂構。襲城陽公。歷箕州平城。洛州邯鄲二縣令。武鄉里。閉榆社隄封。公宰平城。日宣三德。悲歌相聚。祗服成群。分宰邯鄲。雷震百里。儀刑嘉誨。範乎人倫。令聞廣譽。塞乎天壤。將陷九列。平三階。豈意一作群生。或作茂遂。並非。太和交簿。而天道難謀。降年不永。春秋若干。以某年月日終於某所。夫人宜城縣主。聖神皇帝之堂姊。王姬外館之長女。夫人道峻於閨房。名耀於邦國。我大周叙洪範。作武成。大賚而萬姓悅。垂拱而天下理。發號惟舊。制贈荊州刺史。生則唐堯不用。沒則周武追封。為龍為光。有始有卒。立名於後。以顯其親。反葬於周。不忘其本。以某年月日歸葬於某。碣石恒山。燕南趙北。禮儀光備。宗族相臨。大夫弔桓子之喪。天子歸惠公之贈。蘧瑗之葬。不害良田。孔丘之塋。不生荆棘。長子司衛。少卿兼檢校魏州刺史。太辯中子左鷹揚將軍太方。少子朝儀。大夫行司漢主簿。太琬等。門承四代。德盛三賢。有終身之憂。盡生人之本。璽冊褒贈。宜宣無窮。景鍾勒銘。若古有訓。嗚呼哀哉。其銘曰。神岳之英。大川之精。如山之峻。如流之清。行之斯立。言之斯成。登車發耀。在邦有聲。傳於舊國。舊國惟平。宰于二縣。二縣惟寧。余聞舊說。天鑒孔明。誰謂靈誕。喪落淑貞。永錫不匱。克揚其名。冊書光寵。沒有餘榮。系曰。列星垂象。兮炳天光。白露為霜。兮露

入裳被蒼天兮殲我良。列星垂象兮炳天暉。
白露為霜兮霑人衣。九原可作兮吾與歸。

成及

臨安志成及。字洪濟。錢塘人。祖克評為唐嘉王府長史。父正。國子博士。及性篤厚。為鄉里所重。咸通間。捍山賊。逐齊寇。聲名遂

振。乾符間。八都寢盛。聞人字卒。而及代之。遂以富春鎮稱靖江都將。劉漢宏作亂。與鏐同討平之。北關鎮將劉孟安謀亂。即席奮劍將犯鏐。及舉胡床制之。偏將盛造因執孟安就戮。以功奏遷散常侍。復為靖江鎮。光御舊名。啓潤州薛明叛命。及征之。夏五月。進圍常州。克之。尋平潤州。奏授兵部尚書。充本州防禦副使。潤州阮結卒。命及代之。累遷檢校司空。尋為蘇州刺史。乾寧三年。淮人圍姑蘇。常熟鎮將陸郢巡檢郭周等。以城應寇。城陷。及以禮見淮帥楊行密。行密閱及府庫私寶。皆藥物圖書而已。由是重之。至淮南。辟為行軍司馬。及拒之曰。及以百口託于錢塘。不幸城陷。以至於此。豈宜以本道符竹。換富貴於隣境。及引佩刀自刺。行密遽止之。因厚禮而歸之。累授鎮海節度副使。奏授司徒。至太傅。天復中。鏐游衣錦軍。使武勇都將士治溝洫。軍中多怨言。及請罷役不聽。俄而作亂。鏐回至北郊。微服將入城。及乃代乘鏐車。行與賊鬪。鏐遂得入。鏐性嚴急。每有檢發。必亟

加斬決。或及至。雖盛怒必為之釋。其寵遇皆此類。累勅授保大彰義等軍節度使。開府儀同三司。檢校太師兼侍中。卒。年六十七。及在開平中。嘗避梁室廟諱改姓咸。今從其本姓。以資治通鑑吳越備史本傳修。

成象

宋史成象。渠州流江人。以詩書訓授里中。事父母以孝聞。母病。割股肉食之。詔賜束帛醪酒。淳化中。李順盜據郡縣。象父母驚悸而死。燼骨寄浮圖舍。象號泣營葬。賊平。鄉里率錢三百萬贈之。象廬於墓側。以衰服襟袂節土於墳上。日三斗。每慟。聞者感愴。未嘗食肉衣帛。或贈之。亦不受。虎豹環廬而卧。象無畏色。鷲百餘集廬中。禾生墓側。吐九穗。服終猶未還家。知禮者為書以諭之。遂歸教授。遠近目為成孝子。

成閔

宋史列傳。成閔。字居仁。邢州人。靖康初。劉韜為真定帥。募勇士捍金兵。閔在麾下。高宗即位。閔領數百騎至揚州。會上南度。韓

世忠追苗傅。及襲兀朮。討范汝為。閔皆在戎行。又以力戰却敵。積功至武功大夫。忠州刺史。從世忠入見。世忠指閔曰。臣在南京。自謂天下當先。使當時見此人。亦避一頭矣。上嘉歎勞。勉旋以取海州功。擢滋州團練使。召見。賜袍帶錦帛。加贈玉束帶。時方與金盟。世忠罷兵入為樞密使。詔進閔

御名。州防御使。殿前遊奕軍統制。歷遷保寧軍承宣使。紹興二十四年。拜慶遠軍節度使。尋丁母憂。詔起復。贈其母鄭國夫人。金主亮將敗盟。詔閔提禁旅三萬鎮武昌。命湖北守漕創砦屋三萬間以待之。發折帛米錢茶引共百四十餘萬緡。義倉和糴米六十三萬石備軍用。仍賜金器劔匣臨遣之。閔至鄂未幾。進屯應城縣。八月除湖北京西制置使。節制兩路軍馬。九月兼京西河北招討使。十一月詔回援淮西。閔喜於得歸。冒雨兼程趨建康。士卒多道死。朝建所給犒師物。奄歸已不及。士卒有怨言。閔斬之。未幾除淮東制置使。駐鎮江。既而言者論諸軍皆聚鎮江。恐敵出不意。擣上流。於是詔閔發鄂州張成華壯軍回駐鄂。亮死。閔引兵渡江趨揚州。及金人自盱眙渡淮北去。閔列兵南岸。軍士喏聲相聞。金人笑之曰。寄聲成太尉。有勤護送。時虜氣已奪。日虞王師之至。委棄戈甲。粟米山積。諸軍多仰以給。惟閔軍多浙人。素不食粟。死者甚衆。閔至泗州。奏已克復淮東。尋入朝。凡侍從。卿監閣門內侍皆有賂遺。左正言劉度劾之。猶超拜太尉。主管殿前司公事。尋復為御史。論列罷太尉。婺州居住。奪慶遠節。乾道初。聽自便歸湖州。尋詔復節都統。鎮江諸軍。九年請祠致仕。治園第于平江。淳熙元年卒。年八十一。贈開府儀同三司。子十一人。

成彥質

宋馮縉雲先生集成彥質墓誌。紹興丙辰。余令丹稜。被詔旨。邑之父老成天啓。屬其子某。以偕發岷峨。下巴渝。歷

荆楚。至吳越。凡跋涉之險夷。事理之是否。其實經紀之。周旋既久。益稔其人。蓋天資純質。孝謹人也。心甚喜之。後二十二年。余以事至臨邛。其子某來謁。泣拜且言。父不幸棄諸孤。蓋若干年矣。鄉人某為狀其行。重惟先君獲事君子。蒙維持護卹之恩。知先君介介無他。宜莫踰門下。願乞銘章。用終死生之惠。追維疇曩。為之泫然。屬老病不任叙載。又不可無一言於故人舊交。姑繫狀以銘。曰。堯舜周孔。與天罔極。邈不可及。顧其下愚。是為桀跖。上下之間。為善宮壇。綽然以寬。充其大端。賢知是班。小以成小。其猶足觀。伊維其趨。以善為徒。不迂不愚。用大或拘。以小則餘。善以為址。沒身不耻。以遺其子。洵洵濟濟。嗚呼彥質。亦以不死。銘。茲幽石。永賁蒿里。

成鏗

興國州志成鏗。字聲之。號脩堂。

成大亨

赤城志成大亨。河間人。字正仲。元符三年中。第。官至左朝散大夫直祕閣。紹興初。寓天台。

成彪

眉州志成彪輿地紀勝在眉州元符上書。

成偉

東郡志成偉滑州錄事子信字信之由吏負入仕轉輝州判邯鄲縣尹子廕開州務副。

成進

古藤郡志成進字士果鐔津人登宋重和元年第仕至宣義郎。

成遵

元史成遵字誼叔南陽穰縣人也幼敏悟讀書日記數千百言年十五喪父家貧勤苦不廢學問二十能文章時郡中先輩無

治進士業者遵欲為以不合程式為患一日憤然曰四書五經吾師也文無逾於史漢韓柳區區科舉之作何難哉會楊惠初登第來尹穰遵乃書所作數十篇見之惠撫卷大喜語之曰以此取科第如拾芥耳至順辛未至京師受春秋業於夏鎮遂入成均為國子生時陳旅為助教喜其文數以語于奎章閣侍書學士虞集集亟欲見之旅令以已馬俾遵馳詣集集方有目疾見遵來迫而視之曰適觀生文今見生貌公輔器也吾老矣恐不及見生當自愛董也元統改元中進士第授將仕郎翰林國史院編脩官明年預脩泰定明宗文宗三朝實錄後至元四年升應奉翰林文字五

年辟御史臺掾。至正改元擢太常博士。明年轉中書檢校。尋拜監察御史。扈從至上京。上封事言天子宜慎起居。節嗜慾。以保養聖躬。聖躬安則宗社安矣。言甚迫切。帝改容稱善。又言臺察四事。一曰差遣臺臣越職問事。二曰左遷御史。杜塞言路。三曰御史不思盡言。循叙求進。四曰體履廉訪聲蹟不實。賢否混淆。帝皆嘉納之。諭臺臣曰。遵所言甚善。皆世祖風紀舊規也。特賜上尊旌其忠。遵又言江浙火災當賑卹。及劾火魯忽赤不法十事。皆從之。復上封事言時務四事。一曰法祖宗。二曰節財用。三曰抑奔競。四曰明激勸。奏入。帝稱善。久之。命中書速議以行。是歲言事并舉。劾凡七十餘事。皆指訐時弊。執政者惡之。三年。自刑部員外郎出為陝西行省員外郎。以母病辭歸。五年。丁母憂。八年。擢僉淮東肅政廉訪司事。改禮部郎中。奏使山東。淮北。察守令賢否。得循良者九人。貪懦者二十一人。奏之。九人者。賜上尊幣帛。仍加顯擢。其二十一人。悉黜之。九年。改刑部郎中。尋遷御史臺都事。時臺臣有嫉賊吏。多以父母之憂免者。建論今後官吏凡被案劾。賊私。雖父母死。不許歸葬。湏竟其獄。庶惡人不獲幸免。遵曰。惡人固可怒。然與人倫孰重。且國家以孝治天下。寧失罪人。千百。不可使天下有無親之吏。御史大夫是其言。陞戶部侍郎。十年。遷中書右司郎中。時刑部

獄按久而不決者積數百。遵與其僚分閱之。共議其輕重。各當其罪。未幾無遺事。時有令輸粟補官。有匿其姦罪而入粟得七品雜流者。為怨家所告。有司議輸粟例。無有過不與之文。遵曰。賣官鬻爵已非盛典。况又賣官與姦淫之人。其將何以為治。必奪其勅。還其粟。著為令乃可。省臣從之。除工部尚書。先是河決白茅。鄆城濟寧皆為巨浸。或言當築堤以遏水勢。或言必疏南河故道以殺水勢。而漕運使賈魯言必疏南河。塞北河。使復故道。役不大興。害不能已。廷議莫能決。乃命遵偕大司農禿魯行視河。議其疏塞之方以聞。十一年春。自濟寧曹濮汴梁大名行數千里。掘井以量地形之高下。測岸以究水勢之淺深。遍閱史籍。博采輿輪。以謂河之故道不可得復。其議有八。而丞相脫脫已先入賈魯之言。及遵與禿魯至。力陳不可。目曰。濟寧漕鄆連歲飢饉。民不聊生。若聚二十萬人於此地。恐後日之憂。又有重於河患者。脫脫怒曰。汝謂民將反耶。自辰至酉。辨論終不能入。明日執政者謂遵曰。脩河之役。丞相意已定。且有人任其責矣。公其毋多言。幸為兩可之議。遵曰。脫可斷。議不可易也。由是遂出為大都河間等處都轉運鹽使。初汝汴二郡多富商。運司賴之。是時汝寧盜起。侵汴境。朝廷調兵往討。括船運糧。以故舟楫不通。商販遂絕。遵隨事處宜。國課皆集。十四

年調武昌路總管。武昌自十二年為汚寇所殘燬。民死於兵疫者十六七。而大江上下。皆劇盜阻絕。未直翔湧。民心遑遑。遵言於省臣。假軍儲鈔萬錠。募勇敢之士。具戈船。截兵境。且戰且行。糴粟於太平。中興民賴以全活者衆。會省臣出師。遵攝省事。於是省中府中。惟遵一人。乃遠斥候。塞城門。籍民為兵。得五千餘人。設萬夫長四。配守四門。所以為防禦之備。甚至號令嚴肅。賞罰明當。賊船往來江中。終不敢近岸。城賴以安。十五年擢江南行省治書侍御史。召拜參議中書省事。時河南之賊數渡河而北。焚掠郡縣。上下視若常事。遵率左右司僚佐。持其牘詣丞相言曰。今天下州縣。喪亂過半。河北之民稍安者。以天塹黃河為之障。賊兵雖至。不能飛渡。所以剥膚椎髓。以供軍儲。而無深怨者。視河南之民。猶得保其室家故也。今賊北渡河。而官軍不禦。是大河之險。已不能守。河北之民。復何所恃乎。河北民心一搖。國勢將如之何。語未畢。哽咽不能言。宰相已下。皆為之揮涕。乃以入奏。帝詔即遣使罪守河將帥。而守禦自是亦頗嚴。先是湖廣倪賊質威順王之子。而遣人請降。求為湖廣行省平章。朝臣欲許者半。遵曰。平章之職。亞宰相也。丞平之時。雖德望漢人。抑而不與。今叛逆之賊。挾勢要求。輕以與之。如綱紀何。或曰。王子。世皇嫡孫也。不許是棄之與賊。非親親之

道也。遵曰：項羽執太公，欲烹之，以挾高祖。高祖乃以分羹荅之。柰何今以王子之故，廢天下大計乎？衆皆韙其論。除治書侍御史。俄復入中書，為參知政事。離省僅六日。丞相每決大議，則曰：姑少緩之。衆莫曉其意。及遵拜執政，喜曰：大政事今可決矣。十七年，升中書左丞。階資善大夫。分省彰德。是時太平在相位，以事忤皇太子。皇太子深銜之，欲去之，而未有以發。以為遵及叅知政事趙中皆太平黨也。遵中兩人去，則太平之黨孤。十九年，用事者承望風旨，嗾寶坻縣尹鄧守禮弟鄧子初等，誣遵與參政趙中參議蕭庸等六人皆受賊。皇太子命御史臺、大宗正府等官雜問之。鍛鍊使成獄。遵等竟皆杖死。中外冤之。二十四年，御史臺臣辯明遵等皆誣枉，詔復給還所授宣勅。

成連

仙傳成連善琴，嘗與伯牙遊蓬萊山，作天妙操，後仙去。

成君平

仙傳成君平，長沙郡人，常遇仙翁，授以道要，後於東華山仙去。

成武丁

仙傳成武丁，桂陽人，嘗遇神人，賜藥一粒，服之得道。

成延昭

茅山志成延昭字懷玉潤州人氣稟純素精通道法謚冲虛先生茅山第二十代宗師

成氏

唐王右丞集沂陽郡太守王公夫人安喜縣君成氏墓誌銘并序夫人字某某郡人也其先周成王之後古之錫姓命氏或以先父之職官或因始祖之名謚漢魏以降史牒詳焉曾祖休寧某官祖

某某官襲封常山公貳公執帛調護儲闈九伯剖符典日方兵漢雄左輔實拜翁歸周命僕臣惟茲伯罔夫人即太僕府君之第二女也世有明訓家無遺德蕙心紈質豈曰師成螭首蛾眉抑雅天與同雲降雪常聞柳絮之詩獻歲發春即賦椒花之頌言事姑舅宜其家室寢門纔闢筭六珈而問安擊鍾未晞具八邊而獻饋染朱與綠不愆公子之衣采藻及蘋有甚季姜之祭魚軒翟茀為諸侯之夫人鳴珮垂環對有國之君子綺䟽寓目助選賢人青帳藩身用酬高論善持門戶能睦族姻誠良人之從畋不嘗原獸訓愛子之為政遂返池魚言成大家之書行為衆婦之法至於彈琴製賦纂組攻書其舉百事之能仍居四德之外嗚呼降年不永春秋五十以某載月日薨於長安平康里之私第某月日祔于咸陽洪瀆原之先塋禮也不獲偕老空傷奉倩之神未始有生誰達莊周之理長子濡前某官

次子澄某官。次日某某官。及女等。連連泣血。煢煢在疚。哀纏聖善。痛七子之無依。文叙寒淵。奠九原之可識。乃為銘曰。齊侯之子兮。衛侯之妻。膚如凝脂。兮。手如柔荑。奉初之嘉訓兮。淑德日躋。供養兮。姑舅。簪珥問安兮。先夜漏。製三衣兮。玄纁具五獻兮。籩豆。翟第兮。錦衣。駕魚軒兮。來歸。從如雲兮。滿中闈。忽形沈兮。影絕。夫傷神兮。子泣血。悲餘澤兮。猶在。怨迴紋兮。未滅。返葬兮。咸陽。寒天暮兮。渭水長。嗟梧桐兮。半死。無雙飛兮。鳳凰。

盆成氏

晏子外篇。晏子曰。盆成括。父之孝子。兄之順弟。又嘗為孔子門人。

上成氏

羅泌路史高辛氏紀。上成氏。高辛氏之後。元和姓纂後漢書密傳。上成公。白日昇天。

武成氏

羅泌路史小昊紀。武成氏。小昊之後。風俗通趙平原君勝。武成。因氏焉。

茅成氏

羅泌路史高陽氏紀。茅成氏。高陽氏之後。

祈成氏

羅泌路史陶唐氏紀。祈成氏。帝堯之後。

上成

元和姓纂後漢書密傳。上成公白日昇天。

大成

元和姓纂晉公子成之後。因氏焉。代本云。大成教昭原大夫。

梁成

元和姓纂漢昭帝時。梁成恢。善天文。

庸成氏

羅泌路史發揮同名氏辨篇。按古有庸成氏。而黃帝之臣容成。列仙傳。穆王時容成公自稱黃帝。即此。又後世赤松

也。子

顏成氏

元和姓纂莊子有顏成子游。

庫成

元和姓纂風俗通曰。本亦苦成也。方言。昔變為庫成。燉煌。實錄。廣平太守庫成防。從孫旭。

務成

元和姓纂呂氏春秋。務成子堯。師。新序。子夏舜學於務成跗。

空成

元和姓纂古空成子造曆日。神仙傳有空成公。

廣成

元和姓纂神仙傳廣成子。古仙人。官崆峒山。黃帝造焉。

廣成子

莊子在宥篇黃帝立為天子十九年。令行天下。聞廣成子在於空桐之上。故往見之。曰。我聞吾子達於至道。敢問至

道之精。吾欲取天地之精。以佐五穀。以養民人。吾又欲官陰陽。以遂群生。為之奈何。廣成子曰。而所欲問者。物之質也。而所欲官者。物之殘也。自而治天下。雲氣不待族而雨。草木不待黃而落。日月之光。益以荒矣。而佞人之心。翦翦者。又奚足以語至道。黃帝退。捐天下。築特室。席白茅。間居三月。復往邀之。廣成子南首而卧。黃帝順下風。膝行而進。再拜稽首而問。曰。聞吾子達於至道。敢問治身奈何。而可以長久。廣成子蹙然而起。曰。善哉。問乎。來。吾語汝至道。至道之精。窈窈冥冥。至道之極。昏昏默默。無視無聽。抱神以靜。形將自正。必靜必清。無勞汝形。無搖汝精。乃可以長生。目無所見。耳無所聞。心無所知。汝神將守形。形乃長生。慎汝內。閑汝外。多知為敗。我為汝遂於大明之上矣。至彼至陽之原也。為汝入於窈冥之門矣。至彼至

陰之原也。天地有官。陰陽有莊。慎守汝身。物將自壯。我守其一。以處其和。故我脩身千二百歲矣。吾形未嘗衰。黃帝再拜稽首曰。廣成子之謂天矣。廣成子曰。來。余語汝。彼其物無窮。而人皆以為終。彼其物無測。而人皆以為極。得吾道者。上為皇。而下為王。失吾道者。上見光。而下為土。今夫百昌皆生於土。而反於土。故余將去汝。入無窮之門。以進無極之野。吾與日月參光。吾與天地為常。當我緡乎。遠我昏乎。人其盡死。而我獨存乎。疏。空桐

山。京州北界。

廣成。即老子。

栢成

元和姓纂風俗通。栢成。茸渠。晉隱士諫議大夫。栢成衡。功官。袁吾侯栢成。延。傳封六代。成。或作城。王莽時。栢成脩。獻符命。

苦成

元和姓纂晉卿却犍。食菜苦成。因氏。馬。潛夫論。苦成。城名。在鹽池東北。

士成

元和姓纂莊子。有士成綺也。

老成

元和姓纂老成子。古賢人裔孫。老成方仕宋為大夫。著書一篇。言黃老之道。

考成

元和姓纂考成子。古賢也。著書述黃老之道。列子有可成子。幼學於尹先生。

古成

元和姓纂風俗通。即古成之後。隋陰改焉。漢有廣漢都尉古成。雲。姚興給事黃門侍郎古成。詵。右將軍古成。知。晉袁宏集有南

海太守古成彪聞。元雲陽尉古成首政。

郁成

西漢書紀騫傳。郁成王。遮殺漢使亦西域國名。

永樂大典卷之八千二十四

考成

元和姓纂考成子。古賢也。著書述黃老之道。列子有可成子。幼學於尹先生。

古成

元和姓纂風俗通。即古成之後。隋陰改焉。漢有廣漢都尉古成。雲。姚興給事黃門侍郎古成。說。右將軍古成。知。晉袁宏集有南

海太守古成彪聞。元

雲陽尉古成首政。

郁成

西漢書紀騫傳。郁成王。遼殺漢使亦西域國名。



